





31 Strolc Furlan

Pal 1949










anad

il
Stzolic
fuzlan
pal
1949

Societât filol. fu
G. J. Ascoli
Udin

Suplem dal "ce fo fi





Furlans,

a Vignesie

us spiete la

Tratorie de Colombe

di

Arturo Deana

paron furlan

L
I
N
D
A

UDINE - Via Paolo Canciani N. 11 - UDINE

Maglierie - Calze - Camicie
FILATI DI LANA

L'assortimento più vasto
ai prezzi migliori

L
I
N
D
A

CEMENTI DEL FRIULI

SOCIETA' IN ACCOMANDITA SEMPLICE

U D I N E

Stabilimenti in Udine - Cividale del Friuli
San Leonardo di Cividale - Padova



*Cementi idraulici, normali e ad
alta resistenza - Cementi porza-
lanici, ferroporzolanici e di alto
forno - Agglomeranti Cemen-
tizi - Calce eminentemente idraulica*

Fratelli Romanelli

Società in accomandita semplice per l'industria e il commercio dei legnami

LEGNAMI E COMPENSATI

Deposito Udine - Produzioni Carinzia e Alto Friuli


Sede in Udine

SAFTI

S. A. Forniture Tecniche Industriali

Succ. a Fortunato Caselli

Via Manin 15a - UDINE - Telefono n. 62-34



Articoli tecnici -
Cinghie piane e tra-
pezoidali - Trasmis-
sioni, puleggie - Ap-
parecchi di solleva-
mento - Guarnizioni
in lastra e a corda -

Tubi di gomma e vetro - Macchine per metalli e per il
legno - Utensilerie per tutte le macchine - Apparecchi
per saldatura autogena ed accessori

Tutto per tutte le industrie

I migliori prodotti

ai migliori prezzi

Interpellateci prima di fare acquisti

Aldo Conti

RIPRODUZIONE DISEGNI
ARTICOLI PER INGEGNERI

Tel. 63-81

UDINE - Via Prefettura, 5



**BIRRA
MORETTI
UDINE**

Ing. A. MAGINI - Udine

Via Vittorio Veneto, 44 - Telefono 26-83

**MACCHINE ELETTRICHE
E TERMICHE**

Speziarie di Toni Colute

UDIN - In Piazze Garibaldi

Amâr di Udin

Une poesiute di Meni Muse

Cjâr Sior Toni,

*L'è tant timp che jo 'o zavâri
di no vê un gotin di Amâr,
ma vignû mai no podevi
indenant, senze l'« afâr »!*

*E l'« afâr » cumò j al mandî:
ca daûr 'o lu ài mitût;
se no j plâs, mi racomandi
che lu tegni ben scuindût.*

*L'è il sunet scrit pal lunari,
se nol rive masse tart.
No j va ben? Che nol zavâri:
su pal fûc benon al art!*

*Ma par chel che nol tralassi
la butilie d'implenâ:
cul Amâr 'o torni a nassi,
'o mi sint a ricreâ!*


(1907)

L'amî MENI MUSE



IL STROLIC FURLAN

CUI MARC/AZ DE
FURLANIE



T. MENOSSE

DAL 1949

UDIN

SOCIETÀ FILOLOGICHE FURLANE

CHEST LUNARI AL È STÂT MITÛT ADUN
DA P. BEPÒ MARCHET. LA PICTURE SUL
CARTON E I PIPINS DES MESADIS 'E
SON DI FRED PITTINO ; DUC CHEI
ALTRIS DISENS 'E SON DI T. MENOSSÌ

*Finît di stampâ
ai 10 di dezembâr 1948
te Stamparie "A. MANUZIO,,
in Bordolêe, sul cjanton de seconde contrade
(V. Stabernao I)*

1949

1949 pai Cristians
 5709-10 pai Ebreos
 1367-68 pai Mussulmans

FIESTIS VARIABILIS

13 di fevrâr	Setuagjesime
2 di marz	Prin di Coresime
17 di avrîl	Pasche Maiôr
26 di mai	La Sense
5 di jugn	Pasche di Rosis
16 di jugn	Corpusdòmini
17 di novembar	Prime Dom. di Avent

FIESTIS DI PRECET

Dutis lis Doménits; il Prin dal an; la Pejanle (6 di zenâr); S. Josef (19 di marz); La Sense (26 di mai); il Corpusdomini (16 di jugn); la fieste di S. Pieri (29 di jugn); Madone di avost (15 dal mès); i Sanz (1 di novembar) Madone de Concezion (8 di dezembar); Naddl (25 di dezembar).

FIESTIS NAZIONALS

Fieste de Liberazion (25 di avrîl); fieste internazionâl dal Lavôr (1. di mai); fieste de Vitorie (8 di mai); proclamazion de Republiche (2 di jugn); fieste de Pds (4 di novembar).

SOLENITAZ CIVILS

Cja' dal an de Conciliazion (11 di fevrâr); nassite di G. Marconi (25 di avrîl); scuviarte da l'Americhe (17 di utûbar).

ECLÏS

13 di avrîl: eclis totâl de lune, des 3.27 es 6.54; visibil;
 28 di avrîl: eclis parziâl dal soreli, des 7.10 es 11.41; visibil.
 7 di utûbar: eclis totâl de lune, des 2.04 es 5.48; visibil;
 21 di utûbar: eclis parziâl del soreli: invisibil in Friûl.

PREAMBUL

Sintît mo', furlans: mi àn mandât a di i sorestanz de Sozie che sarès ore di mudâ sunade cun chest lunari.

Mudâ sunade?! Ognan, o pôc o trop, si à cirût di fâ qualchi nuvitât; ma, par tant ch'al pâr, la strade juste di contentâ il public no si è rivâz adore d'intivâle. Cui sa mai di ce bande che sarà?

Par ciatâle 'o soi montât sù insomp dal tôr di Cjscjel, o' ài domandade licenze al Agnul e, di lassù, 'o ài tacât a scrutinâ atôr atôr cul gno canocjâl: no lis stelis par rigjavâ pronostics (ché la int di cumò no va plui daûr dai strolighéz) ma lis... lunis! 'O vuesti di i umôrs, lis bramis, lis simpatîis dai amis de Furlanie. Ah! di mè, furlans, al i di mè! 'O 'ndi ài scuviartis tantis, che nissun lunari lis pò segnâ dutis.

I viej si tegnin ancjemò tacâz daprûf di Zorut: dut ce che nol sa di Zorut nol é furlan. Come se Zorut no fos stât anje lui un fi dal so timp e de sô clime, e nol vés fevelât il lengaz dal so secul: di un secul bielzà lât a mont e lontan milante mijs dal nestri.

I zovins 'e stuàrzin il nâs a dut ce ch'al puarte il bol di prime de uere: ur plâs di sbisiâ te fumate, di fevelâ sutil e difizil; e si strûchin il zerviel a cîrî il fil di un discori imbarlunit e indarintât par tiessi cun lui un vâl che dispès nol à ni cunsistenze ni disen.

I studiâz 'e domândin pan pai lôr dinc' e la int plui ordenarie 'e ûl contis par parâ vie il timp o fufignutis par molâ la ridade.

Jo no stoi ni cun chei ni cun chealtris; jo no ài etât: 'o soi un strolic, un astrologo! E par fâ lis robis justis, 'o met te cite un pôc di dut: chel ch'o cjati di miôr te mê panarie, cence cjalâ tros agn ch'al à e ce mistîr ch'al fâs cui che m'al mande. Cussì il lunari — ch'al plasi o ch'a nol plasi — al sarà un spielî sanzîr dal moment turbit e lambicât ch'o passin. Al ûl di che ognidun al sielzarà chel che j va plui a square.

Di gno 'o zontarai qualchî bûzare ca e là, tant che no vebis di di chel il "Strolic", no lu fâs il strolic, ma chealtris. E al stampadôr 'o ài dât ordin di tajâ e imbasti un vistît gnûf, paryie che chel vieri al mi pareve frujât e imblecât.

Furlans, bon an, cul nom di Diu.

Il Strolic



In Friûl il soreli al jeve tra lis 7.50 e lis 7.30; al va a mont tra lis 4.38 e lis 4.47 di sere.

- ✠ 1 S PRIN DAL AN. Circuncision dal Signôr
- ✠ 2 D SS. NON DI JESU'
- 3 L Sante Gjenovefe verg.
- 4 M S. Aquilin e comp. mm.
- 5 M S. Eduart re
- ✠ 6 J PEFANIE DAL SIGNOR
- 7 V S. Lucian m. *ZOVIN DI LUNE*
- 8 S S. Massimilian e comp. mm.
- ✠ 9 D SACRE FAMEE. S. Marcelin vesc.
- 10 L S. Marcian predi
- 11 M S. Alessandri vesc.
- 12 M Sante Taziane m.
- 13 J S. Ermili e comp. mm.
- 14 V B. Durî di Pordenon mission. furlan *COLM DI LUNE*
- 15 S S. Pauli rimit
- ✠ 16 D S. Marcel pape
- 17 L S. Antoni abât
- 18 M Sante Pris'cje verg. e m.
- 19 M S. Paulin patr. di Aquilee
- 20 J Ss. Fabian e Sebastian mm. (*Soreli cul Agadôr*)
- 21 V Sante Gnese verg. e m. *VIERI DI LUNE*
- 22 S Ss. Vizenz e Anastasi mm.
- ✠ 23 D SPOSALIZI DE MADONE
- 24 L S. Filizian vesc.
- 25 M Conversion di S. Pauli
- 26 M Sante Paule ved.
- 27 J S. Zuan Grisost. (*Joibe possignàrie*)
- 28 V S. Flavian m.
- 29 S S. Francesc di Sales vesc. *FAT DI LUNE (lune di zendr*
- ✠ 30 D SANTE SAVINE M.
- 31 L S. Zuan Bosco predi



Orazion

Madonute des monz e montiselis
 imbramide sul marmul dai altârs
 tra il ueit dai cjandelîrs cence cjandelis,
 ce lontanis chês stelîs,
 ce muarz chei fogolârs,
 in chestis gnoz d'unviâr dismenteadis!
 Ma la buere incandide e dispietade
 che patafe lis Crôs
 sui trois e su lis stradis,
 'e puarte atôr, te grinte des bugadis,
 qualchi sgrisul di vôs
 distudade tal scûr,
 qualchi sust disfredât, qualchi suspîr
 disfat biel vignint fûr...
 Madonute, e tu scolte vulintîr,
 tal tasê d'ogni lûs e d'ogni flame,
 se un'anime ti clame
 in chest soflâ di buere:
 il nestri unviâr nol dîs altre prejere.



Madonute des glèsiis di taviele
 e des mâinis furvie pes stradis stuartis,
 ti daviârzin lis puartis,
 ti scòvin il pulvî, ti fâsin biele
 juste pe sagre: une di sole ad an.
 Ma co 'è rive culi, vie pe serade,
 la prime zilugnade,

te criure cidine dut il plan
al s'imbrucje e al s'ingrise;
e i cocolârs atôr e i pôi de cise
ti mòlin jù daprûf a planc a planc
une ploe di sflandôrs, une scjarnete
di medais d'aur e di maglis di sanc.
Madone benedete,
cumò chês fueis, piardût ogni slusôr,
ingritulidis, secjs e cragnosis,
ti scrosòpin intôr:
ma il nestri unviâr nol florìs di altris rosìs.



O Madonute dai nestris rosaris...
Sul mûr de stanze nerì di cjalin,
in tune suaze quatri maglis claris;
lì devant il lumìn,
lì dintôr incrostâdis
avemariis di siet gjenerazions:
dut un revoc di strüssiis, di passions,
di vòs ualivis, strachis, cunsumadis,
di dîs pegrìs e lèmis:
ombris dai vons, ombris des vieris robis
che cisìchin in volte: « Ora pro nobis! »
O Madonute des nestris blestemis,
dafons dal cûr lis lataniis des avis
'e àn lassât il to non
tra il marùm e lis bavis,
la cinise, il velen, la confusion;
e qualchi volte insieme al ven sù dut
messedât in tun rût...
Oh cè crût, oh ce scâr,
cumò che no si prèe, tal nestri cûr!

p. Bepo Marchet

Stelis

— Sentât sul prât o ciali il firmamént
E da chel larc tant grant, profund e scâr
Plôf 'ne lûs misteriose, trasparént:

O ciali su: 'la l'ombre dure, strane,
Senze confin, si smaghe il voli e il cûr
Al si console in che' pâs sovrumane.

O ciali, e il miò pensîr imbarlumît
Si pierl 'tal vueil dal cil come inciantât
'Tune lûs che no è lûs ma 'l é infinit:

I rais lusinz des stelis vegnin, van,
Si distudin t'un grîs indarindât
E dut 'l é scognossût, grandîôs, lontan!

Sôl la tô man 'e treme ta la me,
'O sint che dôngie te jo soi sigûr,
Ancie lis stelis tremin come te

D'amôr lassû: o cialimi âncie tu,
Il to voli seren, profund e pûr
Mi baste, 'l é une stele di cajû.

Pieri Somede dai Marcs

Thentha mare

Cu li so blanci fuoj la nèif a sflocia
Sint: a si nitha na cuna a plan a plan.
Un nini al planth, el pithu dèit in bocia;
cianta na vecia, el barbith ta la man.

La vecia a cianta: — Intor al to lietût
son rosi e gili, dut un bel urtût. —
Tal bel urtût el pithu al siara i vuoj.
La nèif a sfloca cu li blanci fuoj.

G. Pascoli

(voltâde in dialet di Banie da S. Vaccher)

Il rôl

*Diu! Vivis faliscjs di stelis
e arint tai vares dai nâi
e ros i pignarui
pardut.*

*L'unviâr l'é vieli, un frut
al é Zenâr,
il pin l'é grant e neri:
te clipide cjasute
odôr di orâr.*

*Biondute Pefanie,
il pignarâl s'impie
e 'l to voglut al rit:
al é come un nût uzzel tai nil,
si pense a un cjant piardût,
a un cil di vilût
o a rosis tun zardin o 'e mont verdure...*

*Ohe, biele frute!
Lis pichis fredis, blancjs son lassù,
ma 'e son i fâcs te plagne
e un rôl vielon cajù
ta la campagne.*

*Ce rôl! Ohe zovenute, al é il Furlan:
oh che svinti la buere chest an!
Amôr di pignarui, une fueute
verde 'e je a sul len: faliscjs vivis
fin tra lis pichis blancjs, tra lis stelis...*

Lelo





Febrár



2

In Friùl il soreli al jeve tra lis 7.31 e lis 6.49; al va a mont tra lis 5.17 e lis 5.56 di sere.


- 1 M S. Ignazi vesc. e m.
- 2 M *Madone des Cjandelis*
- 3 J S. Blàs vesc. e m.
- 4 V S. Andrée Cursin vesc.
- 5 S Sante Aghite verg. e m.

- ✠ 6 D SANTE DOROTEE VERG. e M. ZOVIN DI LUNE
- 7 L S. Romualt (Aldo) abât
- 8 M S. Juvenzi vesc. di Aquilée
- 9 M Sante Polonie verg. e m.
- 10 J Sante Scolastiche verg.
- 11 V *Madone di Lourdes* (Solen. Civ. de Conciliazion)
- 12 S Ss. Siet Fondatòrs dai Serviz

- ✠ 13 D SETUAGJESIME. Sante Fos'cje m. COLM DI LUNE
- 14 L S. Valantin m.
- 15 M S. Faustin m.
- 16 M Sante Gjuliane verg. e m.
- 17 J Ss. Martars di Concuardie
- 18 V S. Simeon vesc.
- 19 S S. Corât rimit

- ✠ 20 D SESSAGJESIME. S. Silvan e comp. mm. VIERI DI LUNE
(Soreli cui Pés)
- 21 L S. Severian vesc. e m.
- 22 M Sante Margarite verg.
- 23 M S. Pieri Damian dot.
- 24 J S. Matie apuestul (Joibe grasse)
- 25 V S. Vitorian e comp. mm.
- 26 S S. Porfiri vesc.

- ✠ 27 D QUINQUAGJESIME. S. Gabriel de Dolorade FAT DI LUNE
(lune di fevrâr)
(Sevrût)
- 28 L S. Macari m.



Une peraule !

Denant da l'ostarie de « Biele Bionde », sul stradon, rosaris di machignis d'ogni fate 'e passavin di suuâl dutaldi: chês pizzulis in tun sivil di ajar ch'al murive subit, chês grandis in tun sdrondenament di feràze che ur coreve daûr distudansi lontan, un pôc a la volte. Lis cjasis inclucidis ca e là dilunc fûr de strade, 'e restavin simpri cidinis, cence visâsi di chel sfrissâ di vite imburide: nome l'ostarie 'e pareve come scjassade di qualchi sgrisulon, une volte ogni tant, massime su la gnot, quan'che la lûs zalute di un ferâl che si nizzulave sot di un cjâr, 'e butave sul catram scûr dal stradon ombris di sanc.

L'ustîr al jere Martin: un omp ruspiôs e un fregul fûr di square. Ancje i aventôrs 'e jerin, ce pôc ce trop, fûr di square, vadî parcêche 'e vivevin in chês cjasis raris, cidinis, pojadis ca e là tai cjamps dulintôr o sul ôr de strade, in rie.

Ma Linde no jere şrambe: 'e jere la femine dal ustîr Martin. Linde 'e jere squasi biele, e quan'che 'e faseve bocje da ridi 'e jere propri biele; ma no faseve mai bocje da ridi. Dongje di chel omp che nol diseve nancje « Bondi » e ch'al viarzeve la bocje sì e no tre voltis in tune zornade, Linde 'e viveve par so cont, lavorant plui che podeve par dismenteâsi di jessi in chest mont. Lu veve cjolt di pôc, cussì po' ...par no restâ vedrane: 'e veve squasi trentecinc agn e di zovine si jere fate cjacarâ.

Martin al jere un biel omp: jê 'e scrupulave che il so temperament siarât al dipendês di qualchi displasê sepulît dentri e, cul timp a lâ, 'e pensave di cjatâ la fate di disgrupâlû.

Lungjs, lungjs zornadis 'e jerin passadis cussì, une daûr chealtre, come lis filis des machignis sul stradon. Martin nol viarzeve la bocje, nol diseve mai nuje. Suult e Querin 'e jerin invezzi doi aventôrs cjacarons, ma nol jere gust a fevelâ cun lôr parvie ch'al pareve che vessin simpri pôre cui sa mai di ce; il lôr discori al jere une tiessidure di blestemis, indulâ che il fil ogni tant al si rompeve in tun slavuâc di vin. Chealtris aventôrs (chel Nini lunc e blanc cun chel anel te man zale e la golarine sfilide, 'Sef ch'al semeave simpri patafât un moment prime...) chealtris aventôrs 'e jerin nome ombris coladis là dentri cui sa dontri e in ce mût.

Lungjs, lungjs zornadis 'e jerin passadis.

Dopo une setemane di lavôr al jere biel podê metisi — la domenie — dongje dal balcon cu la gucje in man e cialâ, insomp dal stradon, lis monz fermis, che no si scomponevin des machignis in corse né da l'ostarie né di Linde. Linde, in chês oris strachis, 'e gucjave e lis cjalave e po' 'e tornave a disbassâ il cjâf su la vore.



'E jerin tre quatri dis che Linde 'e veve alc. A no vè mai nuje, atc al è atc! Linde 'e jere contente. No rideve, no cjantave ma 'e jere contente instes. Si voltave di bot co' un aventôr al domandave di bevi o di pajâ; e il vin, tal bocâl, lu misurave squasi bondant. E une di si dismové adore cun chê di dijâl: salacôr parvie che un bâr di nûl al veve cjantât difûr dal balcon e al jere soreli.

--J al disarai usgnot -- 'e pensà dopo dutaldi. E dutaldi 'e fevelon: cui aventôrs: ancje cun chel de golarine sfilade.

Siarade l'ostarie -- 'e siaravin 'tôr dis -- 'e cenàrin come simpri, lôr doi di bessoi, disore. Machignis 'e passavin da râr sivilant o sdrondenant; ma Linde 'e veve nome pôre che qualchidune 'e passàs propri intant che jê 'e fevelave.

'E lavà la massarie, la meté sul disgoteplaz. Il gjat al si jere intorzolât in tun cjanton. Lui al jere cuiet e al sbisiave plancut daprûf di un campanel eletric.

— Martin!

—

— Martin!!

—

— Martin, 'o ài un frut!

Lui al alzà i voi, la cjalà un moment e al tornà a remenâ plancut intôr dal so argagn; e al pareve che nol ves sintût nuje di nuje.

Jê 'e zigà a fuart, a fuart, a fuart:

— 'O ài un frut!

Lui al tornà a cjalâle un tic plui a lunc; ma dopo al disbassà un'altre volte il cjâf su chel imprestut.

— 'O ài un frut, Martin, 'o ài un frut, 'o ài...

'E coré a spalancâ un balcon su la strade e butant fûr la vôs 'e sberlà:

— Un frut, un frut!

Po' si voltà e lu cjalà. 'E vaive.

Si butà par tiare vaint:

— Une peraule! — 'e scunzurave vaint — une peraule!...

— Ce astu? — al domandà Martin.

Un lusôr al rivave sù pal stradon sdrondenant: la fasse di lûs che no finive in nissun sit 'e passà sul sofit come une scove e si dislontanà imburide.

A. Cantoni

Il Maciaroul

Quant ch'a si sinteva, pa la not, mòvasi i cjavai tal stâli di Gubit l'agna Lussia di Anzalu Belu 'a meteva il deit in crous su la bocje par fâ tasê so' gneci:

-- A l'é il maciaroul!

-- Il maciaroul!

-- Sito ch'a l'é davour a fâ li' stricini' cu la coda dai cjavai.

-- Il maciaroul, il maciaroul! — a cèsedavin li' canais strenti' una intôr di che âtra tra 'na ridadina e un sgrisulât.

E l'agna Lussia 'a implantava la gusela ta la suela dala scarpeta e a ocjava so' gneci':

-- A l'é un uminin picinin picinin, cun tuna viesta rossa ch'al va intôr pal mont a fa dispiés.

-- Par dut il mont? Sint!

I cjavai a si smanegiavin come sot na sc'urma di tavans:

-- Taseit!

-- L'âtu mai iudût tu, nona?

-- Nissun lu iôt.

-- E allora cui sae cemont ch'a l'é?

-- Tâs, cacita! A ti vorês da poâ il pié su la sô ciàpia: tu iodarês cemont ch'a l'é il maciaroul! Na tu podarês pi gî indenant. — E l'agna Lussia a ingrispava la sbessula:

-- E a sussêt satu!

-- Pardabon, nona?

-- E po va da cjò nonu par ch'al ti sepi a di.

-- Ce roba?

-- Ce ch'al fasé già agn in Colmaour il maciaroul.

-- Si còntitu nona?

'Na pausa cu li orelì dretì'; po' l'agna Lussia a tacava:

-- Savevo i stai di Colmaour? And'é un là davour, da la banda di Siriviela do' ch'al tigneva li' fedì Minéc. A l'era il louc pi rimit, ma ai geva 'na cana par Minéc ch'a l'era il cristian pi radegous che Diu al vepi poât su la cjera e al steva pulit dome in compagnia da li' fedì e dai tistignars.

A' ven a stai che 'na matina Minéc co' al rivà tal leuc al cjatà vierta la puarta dal stali e drenti nencja segnâl di fedì. Cu li' venì sglonfi' da la bila al tacà a vivaciâ cun tuna vous gruessa come un ton.

A' lu sintérin fîn jù pai Stamis: i omis a' plantàrin li' vorì par cori sù a iodi ce mai ch'a l'era nassût a chel biât; e a li' femini' a j tacà la trimulissa, par via ch'a crodevin ch'a fos da nouf saltada four l'aguila ch'a veva il nît sul cret Crovat.

Li' fedì a' erin scjampadi', ma Minéc al mostrava la clâf dal stali ch'al sa la era tignuda in sacheta; a erin scjampadi', come davour di un: 'a si iodeva l'erba balinada in banda dal troi:

— Il maciaroul! — al cigà barba Ustin come spontât e in chel il vint al soflà in cà i begars da li' fedi' di Minéc ch'a passonavin di là dal Mujé, sot i roài di Frisanc.

— Po' Diu, fin iolassù! — a cisicà una da li' canais ch'a stevin strenti' insiemit, da poura, come un mac.

— Sì, fia me, e quant che Minéc e i omis a' gèrin a tuèili', i Frisanchins a' faserint 'na barafusa malandreta, par quatri ciafi' di erba ch'ai vevin respât. Minéc al refuarcia la clâf e al stropà li' balconeti' dal stali. Ma il maciaroul a' n'al à bisugna di clàs.

— Parcé, nona?

— Parcé al passa pardut. Cròitu che Bernart, uchi di cà, al na ju vepi inclavàs i cjavai? E par chel?

Cussi da là 'na setemana il maciaroul al tornà e li' fedi' a' fòrin bel da nouf su pai roài da Frisanc e Minéc al fasé tons e lamps da spoventà la vila, ch'a crodevin duc' ch'al fos diventât mat. Ta ché di a gé a cjatàlu 'na vecja.

— Cui, nona?

— E ce v'impuarte, petessii'? 'Na vicjcia a era, ch'a trafegava di striomés e a veva in cjasà — Diu vuardi! — parfin un libri di comant:

— Minéc — a j disé — satu cui ch'a ti fai la vora?

— Il maciaroul — a j rispundé Minéc cu li mans ch'a j pissigavin, e al scugneva stâ fêr:

— Sigûr, Minéc. Disaj a la to femina ch'a j fasi 'na viesta rossa e po va su in Colmaour; co' a si leva la luna, picjala su la puarta dal stali e plâtati in cima di un tistignâr a spetà. Sigûr, sigûr! Nò sta indurminditi vèh, cjoh! Ce mi datu, Minéc, sora?

— Dà j un formai di chei da la talc' megiana! — al cigà Minéc a la femina.

Ta ché not al picjà la vistuta rossa su la clâf dal stali e al gé a scrufulâsi sul forcjâsc' di un tistignarût cun tuna poura dispetosa pa la piel. E speta e speta, il maciaroul a' n'al rivava mai e Minéc al s'indurmindi.

Dome intêr matina 'na vusuta ch'a pareva ch'a saltàs four 'na quarta pi in nà da la sò orela a lu sveà four:

I' sarés un biel mincjon
s'i tornàs uchi a passon.

Al era il maciaroul ch'al geva via.

— Nona!

— Sito! Sintêvo? I cjavai di Gubit a' si son cuetâs. Il maciaroul a l'a finit da fâ dispiés. Ma cun Bernart a n'al cjata gust: al lassa li' stricini' su la coda dai cjavai fin ch'a si disfin bessoli'. Tant, al dis ch'a na j fâsin mâl. A l'é savût fin ta la ponta dai cjaviei Bernart.


Li tre canais a' cucavin four dal balcon ta la not: forsit, platât tal scur al passava il maciaroul.



3

In Friûl il soreli al jeve tra lis 6.48 e lis 5.52; al va a mont tra lis 5.57 e lis 6.37 di sere.

- | | | | |
|---|---|------------------------|----------------------------|
| 1 | M | S. Albin vesc. | (Sevri: ultin di carnevâl) |
| 2 | M | S. Simplizi pape | (Prin di coresime) |
| 3 | J | Sante Cunegonde imper. | |
| 4 | V | S. Casimir vesc. | |
| 5 | S | S. Adrian m. | |
-
- | | | | |
|-----|---|--|---------------|
| ✠ 6 | D | PRIME DI CORESIME. Sante Perpetue e Felizite mm. | |
| 7 | L | S. Tomâs di Aquin dot. | ZOVIN DI LUNE |
| 8 | M | S. Zuan di Dio conf. | |
| 9 | M | Sante Franzes'cje Romane ved. | |
| 10 | J | Ss. Corante Mârtars di Sebaste | |
| 11 | V | S. Cjândit e comp. mm. | |
| 12 | S | S. Grivôr I. pape | |
-
- | | | | |
|------|---|--|--------------|
| ✠ 13 | D | SECONDE DI CORESIME. Sante Cristine m. | |
| 14 | L | Sante Matilde reg. | COLM DI LUNE |
| 15 | M | S. Longin sold. | |
| 16 | M | Ss. ILARI E TAZIAN protet. di Gurizze | |
| 17 | J | S. Patrizi vesc. | |
| 18 | V | S. Ciril vesc e dot. | |
| ✠ 19 | S | S. JOSEF marit de Madone | |
-
- | | | | |
|------|---|--------------------------------------|------------------------------------|
| ✠ 20 | D | TIARZE DI CORESIME. Sante Claudie m. | (Soreli cul Roc) |
| 21 | L | S. Benedet ab. | (E jentre la Viarte) VIERI DI LUNE |
| 22 | M | S. Saturnin e comp. mm. | |
| 23 | M | S. Fedêl m. | |
| 24 | J | S. Dionisi e comp. mm. | |
| 25 | V | LA NUNZIADE titul. dal Domo di Udin | |
| 26 | S | S. Emanuel e comp. mm. | |
-
- | | | | |
|------|---|--|----------------------------|
| ✠ 27 | D | QUARTE DI CORESIME. S. Zuan di Damasc vesc. e dot. | |
| 28 | L | S. Zuan di Capistran conf. | |
| 29 | M | S. Secont m. | FAT DI LUNE (lune di marz) |
| 30 | M | S. Quirin m. | |
| 31 | J | S. Beniamin m. | |



Timp antic

*Passà indenant s'ciu tims disminussàs
A freidis scàis, a tàis lusìns di veris,
A spielis barlumìns ta un vint di seris
Spetadis e restadis senza pàs.*

*A lamps senza penseirs vivùs, liseris
Fueis crudis, fueis di vita, e van pal vint
Ta un plan cun tantis stradis. Scolla e sint
Disfàsi e dls e vous, e zì lis speris.*

*Passà di là indenant, ta un timp lusint
E fer, senza soreli e senza nui tal seil,
Di lunc, antic vuardà tal cour tasint;*

*Di un ciaminà lis oris sora il peil
Da l'onda fin in fons di ogni curint,
Su lis cujeris lentis coma il meil.*

R. Castellani

I doi miracui

*Agrima di n'altra Vierla
a nasa di sal e anzuj
la viola tal desèrt
di un prat mol di lun rànzit.*


*I spincs dal so prufùn
spünzin, fra il zèil e il clipit,
in cera l'ùmìt sun
in sèil il timp ripit.*

*A è bunora: e a nas
tal veri da la viola
un soreli di glas,
ciant ta na verda gola.*

*Ciantànt pal troi cul sèli
dal lat un frut al passa
pal zèil zal dal soreli
fra li umidis ramassis.*

*Il so bati di còur
l'è cialt coma na pluma
di un legri codaròul
tra li fuèjs dal pòul ùmit.*

*Tra il so ciant e il so pàs
a è un sèil di ligrià:
vuèit drenti e fòur un cuàrp
che di ridi al à bria.*



*Adès la viola e il frut...
Pojàt ta la so puàrta,
in plassa, al rit il frut:
la viola in bocia a 'i art.*

*Coma, quant l'àia ciolla,
chè violuta di veri,
par se fa l'àia ciolla,
in se ombra, in se soreli?*

*Adès a penda amara
da chej làvris di mèil,
oh sal selest dal mar,
oh zaj ànzuj dal Sèil!*

(I DUE MIRACOLI. — I. Lacrima di un'altra primavera, profuma di sale e angeli la viola, nel deserto di un prato molle di lume rancido. Le spine del suo aroma pungono, tra il gelo e il tepore, in terra l'umido sonno, in cielo il tempo ripido. E' mattina presto: e nasce nel vetro della viola un sole di ghiaccio, canto in una verde gola. II. Cantando pel sentiero col secchio di latte, passa un fanciullo nel gelo giallo del sole, fra le umide frasche. Il suo batticuore è caldo come la piuma di un allegro pettirosso tra le foglie del pioppo umido. Tra il suo canto e il suo passo c'è un cielo di allegria: vuoto dentro; e fuori un corpo che non ha che da sorridere. III. Adesso la viola e il fanciullo... Appoggiato alla sua porta, in piazza, sorride il fanciullo: la viola nella bocca gli arde. Come, quando l'ha colta, quella violetta di vetro? Per quale ragione l'ha colta, in che ombra, in che sole? Adesso pende amara da quelle labbra di miele, oh sale azzurro del mare, oh gialli angeli del Cielo!)

Ciasarsa 1948

P.P. Pasolini

Lis zuculis di Nene

Lis zuculis di Nene 'e son denant de puarte
e Nene no jè plui, jè muarte.

Tu, pai, tu sês te stale cu la forceje;

su la beoreje un zigo di cisile,

un rosari di feminis te vile

intant ch'al ven il scûr...

E dopo no si sint nissun sunsûr.

Un cop al cole, un colp in tal bearz,

un ajaron, ch'o sin tal mês di Marz.

S'ingrope il cîl, si jeve un polvaron,

si sint un ton e al sclope po' il burlaz,

i lens si stuârzin e a zighin come maz,

e al plâf denant de puarte

tes zuculis di Nene ch'e jè muarte.

Lelo Cjanton

Pasca

Aleluja, aleluja, aleluja.

A mi brusa un bar di erba rosa

ta la gola intant ch'i ciamini

pal marciapiè blanc e rosa

tra il soreli e li fantassinis

cui vuj rosa.

Aleluja, aleluja, aleluja.

Oh Pasca rosa ta la gola

coma na saeta di sinisa

th'a mi ingropa il plant ta la gola

e la voja di ridi al è un sgrisul

ta la gola!

Aleluja, aleluja, aleluja.

Cui sintia la vòus dai Anzuj?

Cui sàja la passiòn di un puòr?

Cui sintia il ciant dai Anzuj?

Cui sàja il me non: Chin Cindòr?

Cui crodia ai Anzuj?

Aleluja, aleluja, aleluja.

Cui sàja se ch'a è la me Pasca?

A è plena di me coma un flòur

*dal so prufùn, la me Pasca.
Cui sàja il non di chistu flòur,
la me Pasca?*

*Aleluja, aleluja, aleluja.
Il flour al plans tal so prufùn.
Sì, la saeta rosa a mi dòul.
Il flòur no'l sint il so prufùn,
la ligria da la Pasca a è fòur,
cu'l prufàn.*

*Aleluja, aleluja, aleluja.
Li' ciampanis sùnin pai siòrs,
jo i sint allris ciampanis;
ciampanis vissinis pai siòrs,
par me ciampanis lontanis
coma i siòrs.*

PASQUA. — Alleluja, alleluja, alleluja. Mi brucia un cespo di erba rosa nella gola, mentre cammino per il marciapiede bianco e rosa tra il sole e le ragazze dagli occhi rosa.

Alleluja, alleluja, alleluja. Oh Pasqua rosa come una freccia di cenere che mi annoda il pianto nella gola, e la voglia di ridere è un brivido nella gola!

Alleluja, alleluja, alleluja.

Chi sente la voce degli Angeli? Chi sa il tormento di un povero? Chi sente il canto degli Angeli? Chi sa il mio nome: Chino Canòr? Chi crede negli Angeli?

Alleluja, alleluja, alleluja. Chi sa che cosa è la mià Pasqua? E' piena di me come un fiore del suo profumo, la mia Pasqua. Chi sa il nome di questo fiore, la mia Pasqua?


Alleluja, alleluja, alleluja.

Il fiore piange sul suo profumo. Sì, la freccia rosa mi duole. Il fiore non sente il suo profumo, l'allegria della festa è fuori, col profumo.

Alleluja, alleluja, alleluja.

Le campane suonano per i ricchi, io sento altre campane; campane vicine per i ricchi, per me campane lontane come i ricchi.


P. P. Pasolini



4

In Friûl il soreli al jeve tra lis 5.51 e lis 4.59; al va a mont tra lis 6.38 e lis 7.15 di sere.

- 1 V S. Ugo vesc.
- 2 S S. Francesc di Paule conf.
- ✠ 3 D D. DI PASSION. S. Ricart vesc.
- 4 L S. Isidôr vesc. e dot.
- 5 M S. Vizenz Ferér conf.
- 6 M S. Sist pape
- 7 J S. Epifani vesc. e m.
- 8 V *Madone Dolorade*
- 9 S S. Demetri m.
- ✠ 10 DOMENIE ULIVE. S. Ezechiel prof.
- 11 *Lunis Sant.* S. Leon pape
- 12 *Martas Sant.* S. Zenon vesc.
- 13 *Miarcus Sant.* S. Gjldo re
- COLM DI LUNE
(*Eclls totâl de Lune es 4.29*)
- 14 *Joibe Sante.* CENE DAL SIGNOR
- 15 *Vinars Sant.* PASSION E MUART DAL SIGNOR
- 16 *Sabide Sante.* S. Calist e comp. m.
- ✠ 17 D PASCHE MAIOR. RISURIDE DAL SIGNOR
- ✠ 18 L *Seconde di Pasche.* S. Gjaldin vesc.
- 19 M S. Espedit e comp. mm.
- 20 M S. Marzian predi
- 21 J S. Anselmo vesc.
- 22 V Ss. Sotêr e Gai papis mm.
- 23 S Beade Eline Valentinis verg. di Udin
- ✠ 24 D IN ALBIS. *Otave di Pasche*
- 25 L S. Marc vanzelist. (*Fieste naz. de Liberazion e pe nassite di G. Marconi*)
- 26 M Ss. Clet e Marcellin papis mm.
- 27 M Sante Zite verg.
- 28 J S. Pauli de Crôs conf. FAT DI LUNE (*Lune di avrîl*)
(*Eclls parziâl dal soreli des 7.10 es 8.41*)
- 29 V S. Pieri di Verone m.
- 30 S Sante Catarine di Siene verg.



El arc di S. Marc

— Vuae stâ a viodi ance jo ze che à di nassi cassù — al dis Marc, un zovin a la buine, rivât ance lui su la mont dal Calvari, cialânsi intôr.

Su la crôs al pene 'l Signôr, pojade parmis da crôs a vai la Madone e, un di une bande e un di chê altre, leâz su lis crôs, son doi ladrons che ân su l'anime plui mazzilis che pêi su la barbe; e li dut intôr une intône che rit, ciente e sbelêe.

— Jo us disi, el prin a murî al sarà chel a drete!

— Ma ze! scumitin: chel di chê altre bande!

— Jo invezi us disi che 'i sarà chel tal miez! No viodès che 'l tire a pene a pene 'l flât?

— Ma tâs mai là! chel tal miez al ti svuolarà vie da crôs come un uzzèl! 'Ai sintût propit jo, cun chistis vnaarelis cà, che 'l ja dit di sêi lui el Signôr — e jù une blesteme daûr di chê altre, e chês bocatis d'unfiâr 'a ridin di fâ sgrisui.

Marc al veve sintût, lui, a fevelâ dal Signôr, ma no 'l veve mai badât plui di tant a di ze che la int 'a diseve di ben e di mal; e in chê di ance lui al si veve tirât lassù juste dome par curiosâ.

— Ayué 'a tu saràs cun me tal Paradis — Marc al sint el Signôr che 'l dis à di un di chei doi ladrons e 'l viôt che 'l bon ladron al ciale fis tai voi el nestri Signôr e che une lagrime sbrisse fûr, al bon ladron, e che la sò boce intânt 'a riduzze.

— No pôl sei che el Signôr a di peraulis di Paradis stant in-claudât su la crôs — al pense Marc. — E indalore? Se par a bon chel al é el Signôr, puers mai nô! 'A son robis di doventâ maz avuâl dome a pensâ! Che Diu nus judi, ze âe mo' fat chiste int! — e Marc no 'l pôl ciatâ padîn, al si met a zirâ di cà e di là: el cûr i bat a fuart a fuart che 'l ûl sclopâ, i timplis j brûsin come se tal zarviel al si ves impiât un fûc.

— O Diu, Diu, o Diu! Duc' nualtris 'a saressin maladéz fin a la cunsumazion dai secui!

In chel al sint lui, Marc, la vôs dal Signôr: «'A jè finide, 'a jè finide!» El Signôr al zem e do' dopo, un ziulòn che 'l romp el âjar e 'l rive fintramai tal zil.

Dut in t'un, in chel, un colp al sturnis come se fos disdrumade une montagne; un taramòt al fâs tramâ la tiare; el soreli al si plate

di bot; sù, vie pal zil si còrin daür e si savòllin sot e sore i nui neris neris tan che 'l ciarbon; saetis di fûc che inzèin e tons che crèvin i zarviei.

Duc' a son s'ciampáz vie da Mont dal Calvari; ma Marc al è restât lassù.

— O, Diu Signôr! Diu Signôr! perdonaitnus, perdonaitnus! Perdonait a nualtris — e al alze lis mans e 'l pree lui el Signôr.

E la buere 'a sbrindine dut quant e vuiche traviars dai clas e lis crôs a son lì lì par zonciâsi e par colà jù di sclop. E i tons e lis saetis e i folcs e lis bugadis da buere 'a fâsin el montâfin! E po si met a sglavinâ a selis; jù pai fluns 'a càpite jù sbrundulànt la montane e romp i rapârs: i ciamps 'a sparissin sot aghe.

Marc al si ten jù plet da piz da crôs e zimint al ripèt:

— Diu Signôr, perdonaitnus, perdonaitnus! Vès perdonât al bon ladron! Perdonaitnus, bon Signôr!

E si sclape 'l zil: la bissabove si mole jù imburide su la tiare; là che rive jê, dut al sparís t'un lamp: clas e ciasis e béstiis e àrbui; 'a fâs un zir 'tor dal Calvari e po 'tor da crôs e dovente rosse rosse come 'l fiâr tal miez da' boris. E Marc cumò al si bute cu la muse par tiare e 'l pree di cûr:

— A, Diu Signôr, perdonaitnus, perdonaitnus, Signôr! Ance vò 'a vès dit: « Perdònigi a di chiste int che no sa ze che fâs! »

Fûr da tiare 'a saltin fûr i muarz; lis ànimis 'a zirìn lì 'tor da crôs dal nestri Signôr e ance chês 'a vain e 'a prein, 'a prein par chiste puere int che fâs dal mal pensant di vè reson.

Marc a fuarze di fuarze al s'imbrinche 'tor da crôs e a planc a planc al si jeve in pins, al rive a pojâ la boce sui piz dal Signôr e ju busse e dai siei voî a spizzulin fûr lis lagrimis; e 'l dis:

— Fasêmi muri, Signôr, ciolêt la me vite e perdonaitnus, perdonait a di chiste int che capis di vè fat el mal apene dopo vèlu za fat! — al ciale sù in alt da crôs: j pâr e no j pâr, ma sì, al viôt a mòvisi la boce dal Signôr! La bissabove s'ciampe vie; i muarz 'a sparissin; a pòc a pòc si bone 'l zil; qualchi saete e qualchi ton dome di tant in tant; 'a ven jù sclipignànt cumò la ploie minude e la buere 'a tâs; ve', lajù ance un rai di soreli che 'l fâs cucùc traviars dai nûi.

Dut di bot Marc al viôt denant di sé un arc cun tanc' e tanc' colòrs, sui nûi che si sclarissin un pòc a la volte e son par là in nuje. El cûr al si racree! Ze ise, ze no ise? Par sore, propri insomps da l'arc al viôt lui, Marc, biel tal miez di un sflandoron el nestri bon Signôr cui braz aviarz; e po' al viôt a mòvisi alc propri da piz da l'arc: sì po, al è el bon ladron che cialant simpri el Signôr al va sù, al va sù pa l'arc e sù e sù! Ve'lu, ve'lu, al è rivât; el bon ladron si bute in zenoglon e 'l Signôr j met une man sul ciâf e po' el bon ladron al si jeve in pins e 'l Signôr lu ciape a brazzecuel e i dà une bussade. El soreli al è saltât fûr avuâl dai nûi. L'arc al sparís, al sparís el Signôr e ance 'l bon ladron.

— El Signôr al nus ja perdonât, al nus ja perdonât — al si

met indalore Marc a sberlà plen di gionde e a duc' quanc' che 'l incuintre, al conte ze che 'l ja viudùt.

Marc al è doventât chel grant sant che savès.

Dopo d'in chê volte ogni an, se ta zornade di Vinars sant 'a càpite la ploe a bagnâ i ciamps, prin che 'l torni fûr dai nûi el soreli, al si presente tal zil, biel cun tanc' e tanc' colôrs, un arc: al è el arc di san Marc che 'l puarte a la tiare la binidizion dal Signôr prumitint a la int, che strussie lavorant, un biel forment pal pagnut e une ùe sane pal vin.

Dolfo Zorzut

I agnulàz

Dutis lis animis 'e àn un paradìs o un unfiâr e duc' 'e devèntin agnui un biel moment: ce neris e infumantâz, ce lizerins come nûi traviarsâz fûr par fûr dal soreli. E a'ndi é di chei che stan in tun solâr dal paradìs, cu lis alis rûsinis e il ciâf ingritegnât. Jo, s'o mi insumûi di agnui, mi sozzèt di viòdiju chei alì, che àn intorsi une croste di tiare e, vie pal paradìs, no puedin fâ tele cun nissun, dome tra di lôr.

Jo no sai: vadi ch'al fo al prinsipi dal timp, quan'che dut il mont al jere tiare e aghe, pieris e bosc, e al Signôr j plaseve di vigni jù a cjaminâlu cui siei pîs. Di umign a'ndi ere qualchi grumût sparnizât; no jerin cjasis slissis, tiradis a fil di plomp e nancje machignis e nancje libris. Dut al viveve a so mût, e i umign 'e cjalavin e scoltavin ogni di robis gnovis cun voi gnûs. Ce ch'al contave 'e jere la tiare che butave fûr la plante, il riul ch'al puartave dut cun sé; 'e jerin i brâz par tirâ dongje ce ch'al coventave.

Quan'che Diu, strac dal so jessi e dal so savê infinit, al si siarave in tun scûs di cjâr e al vignive jù tal pizzul mont, i umign no si 'nacuarzevin ch'al jere Lui, j fasevin sît atôr dal lôr fûc, j parferivin la cuesse rustide dal cjavrûl o la pome, e Lui al beveve aghe, come lôr, te zumiele des mans. Nome quan'che Diu al jere lât, i umign 'e sintivin che alc, intôr e drenti, al si ere slizerit e ur vignive voe di ridi e di cjantâ: s'inacuarzevin che la tiare 'e jere biele. Une spere de lûs di Diu 'e jere passade tai lôr zerviei pegrìs. E alore 'e olsavin ancje di cjalâ par ajar, dulà ch'al ardeve il gran fûc dal soreli e che tarlupavin lis lûsignis des stelis. Par un pôc di timp la pôre si dislontanave dal cûr di chei umign, che no copavin pluì. (Parcé che jerin usâz a copâ lis bestis e chei altris umign; no savevin ch'al fos mâl: il sanc al jere une robe rosse che si lavave ta l'aghe, e l'aghe 'e puartave vie dut).

Diu al saveve che i umign une di 'e vevin d'inacuarzisi dal pês dal sanc, ma al saveve ancje che no varessin finît di copâ!

Parcé che in chê volte 'e saressin diventâz trisc', 'e varessin copât par fan cjative e par gust.

Chesc' — i prins — no cognossevin nuje: 'e jerin creaturis tiradis fûr de tiare e l'anime ur restave fassade a strent te tiare, cussî che, quan' che un al murive, al comparive danant di Diu come un puar ucel dispiardût in tun grant burlâz; e al si speglave te lûs di Diu spaventât, e al si pleave jù sun sé. Diu, Lui al veve la belanze pal ben e pal mâl: alî in chês animis nol jere né il rût ben né il rût mâl: nol podeve butâlis tal abis e nancje neâlis te sô lûs.

Alore al lé tai cjantons plui rimiz dal cîl, che son dibot dongje de tiare; e ju cunfinà alî. Al mete su lis spalîs di ognidun dôs alutis pizzininis; ma lôr no jerin bogn di doprâlis e cussî 'e diventârin rûsinis. I serafins, quan'che van a spas pal cîl, duc' lusorôs e impicotîz, ju clâmin « i agnulâz » e no s'indègnin di cjalâju.

I agnulâz 'e son in tanc': la lôr semenze no si é dispiardude. In paradîs a'ndi rive sù ogni di: di blancs, di neris e di zâi. Vadi ch'a'ndi rive ancje dal Friûl — al scrupulave barbe Martin, ch'al mi contave — no parcé che noaltris si sedi copadôrs o salvadis, ma parvie ch'o sin faz cun tun stamp che in paradîs 'o podin lâ a finîle nome in chei solârs lajù dapît, dulà che son a stâ i agnulâz...

N. A. Cantarutti






5

In Friûl il soreli al jeve tra lis 4.58 e lis 4.37; al va a mont tra lis 7.16 e lis 7.50 di sere.

- ✠ 1 D SS. FILIP e JACUN apuestui (Fieste dal Lavôr)
 2 L S. Atanàsi vesc.
 3 M Scuviarte de Crôs
 4 M Sante Mòniche ved. ZOVIN DI LUNE
 5 J S. Florean m.
 6 V S. Zuan a Puarte Latine
 7 S S. Stanislau vesc. e m.
- ✠ 8 D COMPARIZION DI S. MICHEL (Fieste de Vitorie dal '45;
 9 L S. Grivôr di Nazianz vesc. e dot.
 10 M S. Antonin vesc.
 11 M Sante Gjovâne di Arc verg. COLM DI LUNE
 12 J S. Pancrazi m.
 13 V Sante Glicèrie m.
 14 S S. Bonifazi m.
- ✠ 15 D S. ZUAN BATISTE de la Salle conf.
 16 L S. Ubalt vesc.
 17 M Patrozini di S. Josef
 18 M S. Venanzi m. VIERI DI LUNE
 19 J S. Zelestin pape
 20 V S. Bernardin di Siene conf. (Soreli cui Zimui)
 21 S S. Vitorio e comp. mm.
- ✠ 22 D SANTE RITE DI CASSIE verg.
 23 L S. Desideri (Rogazion)
 24 M Sante Susane (Rogazion)
 25 M S. Urban pape (Rogazion)
 ✠ 26 J LA SENSE. S. Filip Nerì conf. FAT DI LUNE (lune di mai)
 27 V S. Bede il Venerabil dot.
 28 S S. Agustin vesc.
- ✠ 29 D SANTE M. MADALENE de' Pazzis verg.
 30 L S. Feliz pape
 31 M Ss. Canzi, Canzian e Canzianile mm. di Aquilée



La vuàrgina

*La vuàrgina a savolta l'agàr.
 La me anima a é cjera vierta cul fièr.
 A semènin grims di grignei pal cjamp.
 La mè anima a é cjera semenada,
 a é cjera sterpa
 ch'a glutis i grignei.
 E a na fai spi'.*

Ploa

*L'ultin cjanton di ceil
 al si é ingorgnât.
 E a gotin su la polvara
 goti' di plomp.
 Savour antic
 di stradi'
 stonfadi' di aga.
 Jù pa la musa
 a còrin lagrimi'
 freidi',
 a còr pa la vita
 na voa
 da no jessi,
 da pièrdasi.
 Aga ta l'aga.*

Il caroul

*Al gria il caroul ulaù.
 Tun armâr?
 Tun pié di cjadrea?
 Tal gno cjâf?
 Al cioncja filii' di len.
 Al lisima grops di pinseirs.
 Al lassa un grumût
 di polvara grisa.*

Cjanti' di scuna

Nina-nana
flour d'avril.
un fil sutil
al ven jù
da ché stiluta.
al si poa su la manuta.
Nina-nana
via pal ceit.
Nina-nana
plane planchin.

Nina-nana
miluc' ros.
Iò j ti plati
tal gno cos.
J' vai via
cul pas jassât
par sintiti a tirâ flât.
Nina-nana
sul gno cour.
Nina-nana
plan planchin.

Nina-nana
a vous soflada.
Ogni lûs
a si é sfantada.
Me tal fons
dai cjò vuglûs
a son sperî' e luminûs
Nina-nana
ta la lûs
Nina-nana
plan planchin.

Matina

Na barcja a torna dongja.
A mour l'alba
tun arc imburiât
ch'al cengla il soreli.
Na barcja a torna dongja.
A ven granda,
pi sglonfa, smamida,
tal gore inceât di lusour.

Sot i teïs

L'odour dai teïs
jù pal straddl
al si é disfât.
Jò j cjaminavi
ta l'aria verda,
sol i teïs,
ta l'aria cjoca,
come in sum,
par don d'amour.
La primavera
a é muarta
sol i teïs.

Incjant

Ben gno!
L'alba a si é vierta
come na rosa.
E nô j cjantàn
d'amour.

Ben gno!
La di a s'indora,
a s'implena.
E li' bocj'
a son frescj'.

Ben gno!
La not a trima
drenti dai cjò voi.
E jò j ti specj
come un'aga fonda.

Moment

Sul mâr di furmint
i voi a si slàrgjn.
Ombra di vint,
ch'i tu lenz
li' guseli' dal spi,
dispièrdati adall.
Ch'a n'al mi pèj
il motu da li' robì',
ch'a na s'intùrbij
la seil gjulduda
dai gno voi.

Arsura

A na l'é ombri' pi.
Li agârs cu li' crituri'
e li' fueis dal ciucjâr
ch'a pinejûlin flaplîdi'
jû pal mûr.
A na l'é ombri' pi.
Il soreli ch'al eiga
via plan plan
e la cîala ch'a j sflada
davèurj.
A na l'é ombri' pi.

Ramingâ

Ramingâ sot i arcs
a la lus dal dopodimisdi.
Il domo a l'a arcs a ponta
spalancâs:
e fueis di clap
in cima li' coloni'.
Il domo a l'a fignestri'
come spadi'
e sums trasculurîs
su li' pareis.

Lensoi

Lensoi tal vint di marc',
peâs intôr di un fîl.
A tènîtin i lensoi
un suuall ghiàrt
come un sum di canâa.
A pinejûlin disfâs
jû pal fîl.

Navarons 1948.

Novella Aurora Cantarutti





Jug

6

In Friûl il soreli al jeve tra lis 4.34 e lis 4.21; al va a mont tra lis 7.51 e lis 8.07 di sere.

- 1 M S. Pànfil predi
- 2 J S. Ràsım (Erasmus) vesc. (*Fieste naz. pe procl. de Repub.*)
- 3 V Sante Clotilde regine
- 4 S S. Francesc Caracciolo conf.

ZOVIN DI LUNE

- ✠ 5 D PASCHE DI ROSIS (Pentecostis)
- 6 L B. Beltram patr. di Aquilée
- 7 M S. Rupert ab.
- 8 M S. Màssım vesc.
- 9 J Ss. Prin e Filizian mm.
- 10 V Sante Margarite Regjne
- 11 S S. Barnabe ap.

COLM DI LUNE

- ✠ 12 D SS. TRINITAT. S. Leon III pape
- 13 L S. Antoni di Padue dot.
- 14 M S. Basili vesc. e dot.
- 15 M Ss. Vit, Modest e Cressenzie mm.
- ✠ 16 J CORPUSDOMINI. Sante Justine e comp. mm.
- 17 V Ss. Ciriache e Mos'cje mm. di Aquilée
- 18 S S. Efreem dot.

VIERI DI LUNE

- ✠ 19 D SS. GJERVAS e PROTAS mm.
- 20 L S. Silvièri pape
- 21 M S. Luis di Gonzaghe conf.
- 22 M S. Nicete vesc. di Aquilée
- 23 J Sante Agripine verg. e m.
- 24 V Fieste dal Cûr di Jesù
- 25 S Nàsсите di S. Zuan Batiste (ritardade)

(Soreli cu la Masanete;
(Al jentre l'istât)

- ✠ 26 D SS. ZUAN e PAULI mm. FAT DI LUNE (Lune di jugn)
- 27 L S. Ladislau re
- 28 M S. Ireneo vesc.
- ✠ 29 M SS. PIERI e PAULI Apuestui
- 30 J Memorie di S. Pauli. Sante Lucine matr.



dal 1949, pai glotòlics di un'altre di

1

Lis tassis e il “tajeto,,

(Cjacarade di un Udinès, di chei che fevèlin ancjemò par... furlan)

Come ise, come ise chiste? Se intindial di significà lui, cun chistis expressions equivochis? Ca si fevelave di impuestis e no di partis. Ohe, digo!... Se mi fasial a mì che la man che mi strosse 'e sedi la man di un fassist o di un comunist o di un democristian? Quando che son per tera, son per tera, no? Jò, metemo, 'o fàs el comerciant al ingrues e al detalio. 'O ten un negossi, 'o ten un magasén, 'o ten doi comés, un frut cul tricielo pes comissions, une signorine pe contabilitât: quatro salariati, al vegnarès a stai, che la sabide sere 'e spiètin la buste e no ghe 'se santi nè sante: Quatro volte sei ventiquatro: vingesinc ciartonis, me capisselo, che mi toce smolàigi. E po' lis assicurassions, la previdense sociâl, i contributi, la cassa malatia, la tredicesima mensilità e il diaûl che ju puarti... che fa squasi altrettanto. Sinquantemil, dunce. E dopo 'e je la tasse di esercissi, la lisense, la ricesse mobil, la complementare, le tasse su l'entrade, el fit, la lûs, i francoboi su la corrispondense, la tasse su la insegne, la tasse famèe, lis tassis comunâls, la tasse su lis scovassiss, ch'al toce pajâle e po' nissun ven a ciolilis.... Insomma centomila lire al mese no le me basta. Come lis fâsie saltâ fûr jò, ch'al mi disi?

— Cameriere, porti un altro tajeto, che go suto l'aquedoto!

A proposito, e il contatore de l'acqua? Lui al é un professionista, i cons a lui nissun pò fàigiu, ma a mì mi ju puèdin fà e mi ju fâsin duc': ca al é el carico, ca al é lo scarico, ca lis faturis... Ca 'e ven la tributarie, ca 'e ven la finanse, ca al ven l'agente dele imposte di consumo, ca 'e ven la procession des sanguisughis di ogni sete: e i varda, i calcola, i controlla, i domanda conto di tuto fino al ultimo centesimo. Mi capissial? Questa 'se una sperequassione intollerabile — che schersémio? — questo 'se un furto legalisà e

continuato. E cussì no si pò là indenant. El client al proteste pai presis e al diserte, el fornitor al alse la muele ogni setemane, el governo al ti giave sanc di dutis lis bandis...

— Cameriere, vienlo sto goto? Porcocane, si al di muri di sèt ca dentri chiste sere?

Così, egregio signore. Che qualche tasse 'e sedi di pajà no si discùt; e no si esiz che un al vedi sòl che d'incassà, sense contribui ale spese publiche. Ma j'ùl un freghenin di discreSSION, j'ùl un limit. E justissie j'ùl! Sicuro: giustissia prima di tuto. Come ch'o paj jò, come ch'al pae l'esercent, come ch'al pae el possident, al dèf pajà ance el professionist, el contadin, l'artigiano, il rappresentante, l'insegnante privato, el plevan, el pessotàr, l'arotin, la rivindicule... che — pò dâsi — 'e uadàgnin lostés di me, se no qualcosa di più! Se non qualcosa di più!!! Eh, caro signore, mi no vado a guardare né la politica né i partiti: 'o voi a cialà la casse jò; e el quartesfueis. 'O ài une famee di mantignì cul so decoro, 'o ài i fis d'istruì, 'o ài une fie fidansade di maridà, la suocera impotente e inabile al proficuo lavoro, che mi toce judàle...

E soresere, boe di un mont, 'o ài ance un poce di sèt! Sicuro! Dopo une sornade interie daùr dal banc a contratà, a discuti, a lesinà il sentesin, a sacramentà, no se galo dirito de resentar il gargato? Ala salute!

2

La morosa malada

*Tabajade di une "signorine" di zitât,
di chês che no si tegnîr apajadis di fevelâ furlan*

Oh, se te savessi, Bice, cosa che gavemo ridùo ieri sera là via dela Fosina, che 'sera vignùo anca l'Angelin e il Franco... Ti sa, quel spilungon risso, con quel bruscolo in parte dela boca? Ben, quel. Ma co' te digo: ridùo da morir dal rider.

Franco ne ga contà de quele robe, de quele robe!... Ma el 'se babio de contarle, sastu? Lu el ga un estro, vedistu, che nol ride mai quando ch'el parla; ma el te fa sbregar, de tanto bufo ch'el 'se.

El se gaveva sentà là, fa conto: cussì. E nojaltre se 'sera de qua... In sie se 'sera: propio una clapa de quele giuste. La Nerina la gaveva... sastu quel cotolon de siantùn, color pantegana, che ela la crede de parer chi sa che bon; e invese la par un distua-candele. E la Biby? Con quela blusuta stretina che il petisin ghe va persora... e l'Angelin che ghe tira tanto de oci! No te digo...

Ben, il Franco el taca, con quel muso da sberle: — Mi una volta gavevo un tochetin de morosa... — Mi go idea ch'el parlava de una putela che so mi, che li vedevo dispresso insieme: una de quele parti de Bertaldia, che ansi le bombe ghe ga sdrumada la

casa. Un steco de fia, meza indormenzada, smamida de color, con la vituta come un bacalà; che la so mama, de ela, la ghe stava drio come se la gavesse paura che i ghe portasse via quel bel campion.

Alora, sta putela la se ga inmalà, soio mi de cosa. I chiama el dotor. El 'sera un dotor de quei moscardini de primo pelo... Ma te gavevi de vèder il Franco come ch'el simiotava el far del dotor: el se smenava, el se disvidava, el se giustava la cravata, el se slissava i cavei, el se spissava i mustaci, el tirava el col... Ma co' te digo: una macia! Che gran rider che gavemo fato! La Rosina la molava de quei acuti... Te ga visto che la se ga scurtà i cavei e la « esisten-sialista-»? Ma cussi la sta più ben, però, la saria ninina sul serio quella putela, se no la gavesse tutto quel semolin sul muso, nomo?

Oh dunque, indove gèrimo? Go perdùo el fil. Ah, sì! El riva sto dotor: dopiopeto nosela, siole caroarmato col scrisso, farfala griso-perla... Me par de védarlo: spudà Michi Runi! Istesso de me fradel: anca quel se ga tirà sù de susta un tantin... Eh sì, sì: dopo ch'el se ga intivà con quella smorfiosa biondona de via Zanon, el se onse, el se lustra, el se fufigna... Che da rider che 'se co' sti putei quando che ghe scominsia a bòier la cogoma dentro via!

Ciò! Ve' là el me Giorgeto ch'el vien avanti come un paladin! 'Selo gnanca cocolo? Ciao, Bice. Se vedemo dopo cine, se non me vignarà la sono...

3

Il fî insiliôs

*La sberghelade di une mari, di chês che, cul frut,
'e fevèlin par talian, par ch'al impari*

Cicci, tira sù quelle tiracche, che ti cascano i bregonetti. Ah ti è saltato via il bottone? Tanto bene ve'! Sei stato a tombolare nel cortile, nomo? Guarda lì che sei tutto sclipignato e sul culetto ci hai due medaglie di fango, brutto vergognoso! E' quella la maniera di tener conto dei vestiti? Guarda che camiciola che ti sei fatta, di ieri in qua: la pettorina spergottata di minestra, i polsini sfilati, e qui un sette, qui un buso, qui una macchia di unto. Cosa mai ha da dire la gente che ti vede in quel stato?

Ma io domando e dico, come che si ha da fare oggi a mantenere la canaglia: coi prezzi che va sù la roba! Senti mo': quando che viene a casa il papà, io ce lo dico chiaro e netto, fuori dei denti, che son stufa, che tu sei diventato insopportabile e che è l'unica metterti dietromano in una casa di correzione. Così impari il vivere del mondo.

Tutta la santa giornata attorno per le strade coi piazzaioli, a tirar sassi, a far dispetti alla gente, a trovarsi da dire, a darsi, a slapagnare nelle pozzanghere, a imparare parole brutte... E poi

torni vicino che sembri un lazzarone, un figlio di nessuno, un strasagiorni. Il viso cragnoso, i ginocchi scorticati e guarda lì che mani! E mai che tu prendessi un libro in mano, mai che tu dicessi di metterti a fare un compito. Ve' lì che hai già frugate anche quelle scarpette... Madonna santa, in che stati! Neanche un mese che te le ho comprate! Tuo padre, poverino, sempre sotto come un asino a strusciare per via del mangiare; io star sù ogni sera a orbarmi gli occhi per smacchiare, pontare, mendare... Dove hai la coscienza, di po' ? Dove hai il cuore, brutto manigoldo ?

Eh no, no: no sta credere che noi abbiamo da scurtarci la vita per tirare sù un Barabba. O che metti il capo a posto o quella è la porta! Fuori di questa casa! E' inutile che ti metti a fricare adesso. Ci vuole un poco di sentimento, un poco di contegno, un poca di attenzione, ecco cosa che ci vuole. E no lagrime di cocco-drillo, che magari non passa un'ora che sei tornato un'altra volta a sbrindinarti nella legnaia o là via di Carlut. Hai capito o no ?

Intanto vai a mutarti, che il papà non ti veda in quel sesto, quando che viene, che non è lontano. Mettiti il giacchettino marron di frustagno, quello colla bottoniera in parte, che sei passato di Comunione; e i calzonetti più lunghi, che te li ha portati la Bruna quella volta di Giacomino che è tornato... Sai ? Va mo' sveltino, che suona mezzogiorno. Sù, sù: no sta piangere così, da bravo. Sù tesoro di mamma, destrigati...

Il Strolc





7

In Friûl il soreli al jeve tra lis 4.24 e lis 4.54; al va a mont tra lis 8.02 e lis 7.39 di sere.

1 V Fieste dal Prez. Sanc di N. S.

2 S *Madone de pâs* (Visitation)

✠ 3 D S. LIODORO vesc. di Altin.

ZOVIN DI LUNE

4 L S. Uldari vesc.

5 M Sante Filumene verg.

6 M S. Isaie prof.

7 J Ss. Ciril e Metodi apuestui de Sclavanle

8 V Sante Lisebete mari di S. Zuan

9 S Sante Veroniche verg.

✠ 10 D S. ZENAR e fradis mm.

COLM DI LUNE

11 L S. Pio I di Aquilée pape

✠ 12 M SS. ERMACUL E FURTUNAT protetôrs di Udine

13 M Sagre de Basiliche di Aquilée

14 J S. Buineventure dot.

15 V *Fieste dal Redentôr*. S. Indri imper.

16 S *Madone dal Carmini*. S. Faust m.

✠ 17 D S. ALESSI conf.

18 L S. Camil de' Lellis conf.

VIERI DI LUNE

19 M S. Vizenz de' Pauli conf.

20 M S. Jaroni Emilian conf.

21 J S. Denel prof.

22 V Sante Marie Madalene penit. (*Soreli cul Leon. 'E jentre la Canicule*)

23 S S. Apolinâr vesc.

✠ 24 D SANTE CRISTINE verg. e m.

25 L S. Jacun apuest.

FAT DI LUNE (*Lune di lui*)

26 M Sant'Ane mari de Madone


27 M S. Pantaleon miedi

28 J Ss. Nazari e Celso mm.

29 V Sante Marte verg.

30 S S. Rufin m.

✠ 31 D S. IGNAZI DI LOJOLA conf.



Ligriis dal cûr

1. Un gardelin

*Par enfri il scrosopâ secjant de ploe,
pojàt sul miò barcon, un gardelin
l'à moldât fûr di voe
quadri cinc notis: cin cincin cincin.*

*Ai vût un sens come di une bampade
di lamp che romp il scûr par un moment;
e dute la zornade
mi soi sintût plui legri e plui content.*

2. Une letare buine

*Il miò cûr al sglinghine
come une campanele
di arint. Cheste matine
par fresc 'e jê rivade di lontan
une lètare buine.*

*'O pensi a di chê biele,
a di chê sante man
che la à scrite, e cun gjonde
'o la bussi tre voltis daurman.*

3. Fûr di stagjon

*Vuê mi cjante une ôdule tal cûr.
E ce zornâ di gust
in chest miò cûr tant vuêit, tant strac, tant frust!*

*Tra pôs dîs l'è Naddl; culâ di fûr
al plûf cidîn cidîn matine e sere,
al plûf ancje di gnot;
e chest cûr bazzilòt
al s'insumie di sedi in primevere!*

*No ài niune reson
di sei content, e pûr
(o mi dirès che i mazz no àn stagjon)
vuê mi cjante une ôdule tal cûr.*

G. Lurinzon

Mariute

I.

Zisile, al é lassù, là che tu vâs
cumò che el frêl al passe e el vert al mene
e el sanc al torne a boli in ogni vene,
t'une borgade là che za tu sâs,

un balconut dulà ch'al rit un vâs
di gessalmin e un bùssul di verbene,
ch'al lâs ch'al pâr ch'al ardi, dopo cene,
co' 'e smonte jù la gnot cu lis sôs clâs.

Rivade e riposade de gran vie
va' duncje a rinvignimal, zisilute,
secont l'itinerari ch'o ti doi!

E svòlij intôr e cjante! E chê Marie
ch'e jessarà a sintiti, palidute,
no sai cemût, ma bùssime sui voi!

II.

Biel, co' o tornavi a cjase, sore sere,
co' al leve jù el soreli de valade
sun 't'une plete rosse insanganade,
tai ains de me lontane primevere!

Ce pâs atôr! Ce lustre la riviere!
Ce calme d'ogni bande! A mieze strade
'o vevi 'ne glesiute sgrufujade
che mi spietave a di 'ne mê prejere.

'O j levi drenli. E in zenoglon, dapît,
"Signôr" el pui di câr 'o ripetevi;
"Séiso laudât par simpri e binidît!"

Ma alore 'o jeri zòvin e furnît!
E 'o vevi 'ne Marie ch'o me gioldevi!
E al é tan' biel preâ co' dut al rit!

III.

Cjare bancjute, vecje, carulade,
di len di cjestenâr dulà ch'al ere
tan' biel passâ miez'ore sore sere
cul nono vieli a fâ la cjacarade!

Opâr cu la Mariute in'namorade
che semeave 'ne Madone vere,
co' 'e jere, cuintri, dute la riviere
'ne maravée, de lune indarintade!

— Mi orastu simpri ben? — j domandavi;
je m'al zurave. E invezi 'e jé fuide,
che almancul ch'o fos muart co' la scoltavi,

ch'o mi sarés ché pene sparagnade
che invezi 'o ài chi tal câr, e ché firide,
cjare bancjute uéide, bandonade!

Otmar Muzzolini

Matina di lui

Si svèin lis sgjovinis vualivis, sudadis
Di blancja rosada, di perlis
Ch'a lùsin di tancjus
Colours tal soreli ch'al leva;

Si mòvin li' acassis e i pôi par lis rivis,
Trimant lis sôs ramis di arzent
Tal seil da matina;
Si svèin e s'indòrin lis nûlis.

Incuntri a la nova nassensa dal di
Si vòltin lis blavis, lis erbis,
Cu' l'aria zintila
Vignuda sidina dai prâs.

Ma instes qualchi cjussa i sintin, sora via,
Fra miès il sisâ da lis blavis,
Che vœi a no é pì
Ch'a cjanta e a ni dîs l'avignû.

Ch'a sedin lis fucis da lis zisis di vœul,
Za un pûc inrissadis e sutis,
O il flour di morena,
Ch'al pensa za flabis lontanis

Bas via pai rivai? Cul viodi sidinis
Lis aghis sglissâ ta li' ombrenis
La mins a ni sglissa,
'neja ché, di un recuard in chel altri:

Cussi al era il cjant di sta not, ta lis braidis,
Di un rusignôul; la sô vous
Ghi zeva murint,
Disfada ta un grand clâr di luna.

Un alc i sintivin, tal blanc clâr di luna,
Sui flours di strafuci: un savour
Amâr d'inossensa
Za stanca e sjantida. Ma forsi

M'ingjani. Svelluta, cul lat da matina,
Menant cunt un pûc di braura

*Lis spalis e i flancs,
'Na fruta a ni passa vissin.*

*C'un gran par di vù e di lavris, incuntri
Ghi ven al gran di, i cjavièi
Ondant, e la blusa
C'un par di bufùs sul denant.*

*E, forsi, a é vignuda cul timp za la volta
Par nu, di savei se ch'a erin
Ches nòs di promessis,
Smaridis tal nassi di un di.*

R. Castellani

Ajar di buere

*Al pete fuart sui veris
un ajarat di buere,
al sivile fra i pôi
nûs 'te gnot penze e nere;*

*al pete fuart: 'ta l'ànime
si ingròpin i ricuàrs:
son come lamps che van
t'al timp: son vîs, son muars.*

*Al sbrisse vie lontan,
al si alze e al sclape i nûi;
tremant lûsin lis stelis:
un lamp po' nuie plui.*

*Si plèin e si scjavézzin
i lens: tu vens, tu vâs,
o ajarat di buere,
e tu urlis senze pàs.*

*E come tante jntuzze
sbatude te miserie,
butade ca e là
t'al grim da la tristerie,*

*no tu âs un fogolâr,
no tu âs il cûr in pàs,
e tu urlis e tu gemis
te gnot; tu vens, tu vâs,
o ajarat di buere,
senze vê un tic di pàs!*

Pieri Somede dai Marcs

Fantatis solis

*Quanche 'o scontri, lant vie pai cjamps di fieste,
dôs tre fantatis senze companie,
di strade 'o pensi cun malincunie:
pueris frutatis, isje vite cheste?*

*No si dis di fà vite disoneste,
no si dis nanceje di bulâsi vie;
ma un strazzût di morôs, chel sì, pardie,
se no lu cjate, une s'al fâs di pueste!*

*L'è l'amôr c'al nus fâs la vite bieie,
c'al ten sù la speranze e al fâs sflurì
tal sen il cûr, sul lavri la bardele;*

*L'amôr c'al binidîs par nô ogni di
lis voris, sedi in cjase o te taviele,
e al nus rint pi lizêr aneje il pati.*

G. Lurinzon

Il pez

*Traviers dal troi frujât, las tos radris
In som la riba a fâsin di s'cjallin
Par me cristian. E i pausi jo cidin,
E i pensi ai muars passâs par chl, e ai vîs.*

*Ca sù bessôl tu scollis il blausin,
Da agnons tu veglis e tu preîs sui prâs
Cjalant i crês e il cîl. Veglant tu sâs
Tal cûr, passant, ce mâl o ben ch'i vîn.*

*I tàis, cui grops di péis ch'i vin brusâs
Da frus su pal to poc, ti àn subultit
in jù da pît, e tanc' son i àgn za lâs.*

*E tu mi cjalîs, me tornât fant
Par chenti; e simpri viêli e bon tu tâs,
Visanti che di péis tu mi às nudrît.*

R. Castellani

Chest gran vaî

*Chest gran vaî da l'ànime tal scûr
àel un parcé, àel une so resòn?
Sintî a cjanlà di gionde e no sei bon
di dismolà, tal cjant il miò lancûr!*

*Viodi chest cîl in glòrie c'al mèt fâr
ogni gnòt duc' i flòrs de so stagiòn,
e no savé cjalà une lûs, 'ne vòs, un ton
pe sfluridure di chest puar miò cûr!*

*O Signôr, che savès ogni parcé
e lejès in tai cûrs cun voli clâr,
juddîmi a gloti vò dût chest amâr!*

*Se il mont l'è stât ciatîf e injùst cun me
e al à pajât il ben c'o ài fat cul mâl,
no jé resòn di disperâsi avuâl.*

G. Lurinzon

L'ultime domande


*'O sin dui pùins di tiare nere
restâz ca sot, fra len fraidît;
parsore e in cîl la primexere
nus dîs dal ben ch'o vîn finit.*

*Fantâz, 'o làvin pes culinis
tun mâr di lûs e bon odôr
e in cûr sflurivin tant nininis
lis primis violis dal amôr.*

*E dute l'anime 'e sflurive
di siuns e cjanz e di murbin:
al clâr di lune nus lusive
tal voli il dolz dal prin basîn.*

*O vîte nestre simpri cjare,
di flors e spins po', il nestri nît
tu sês ca domê un pûin di tiare
cumò restade, in len fraidît?...*

C.



8

In Friûl il soreli al jeve tra lis 4.53 e lis 5.34; al va a mont tra lis 7.38 e lis 6.50 di sere.

ZOVIN DI LUNE

- 1 L S. Pieri in cjadenis
- 2 M S. Alfons de' Liguori vesc.
- 3 M Sante Lidie
- 4 J S. Domeni conf.
- 5 V *Madone de Nêf*
- 6 S Trasfigurazion di N. S.

✠ 7 D S. GAETAN THIENE conf.

COLM DI LUNE

- 8 L S. Marin m.
- 9 M S. Zuan Marie Vianney curât di Ars
- 10 M S. Laurinz m.
- 11 J S. Tiburzi m.
- 12 V Sante Clare di Assisi verg.
- 13 S S. Ipòlit m.

✠ 14 D S. EUSEBI Conf.

✠ 15 L L' ASSUNTE (*Madone d'avost*)

VIERI DI LUNE

- 16 M S. Roc conf.
- 17 M S. Gjazint conf.
- 18 J Sante Eline imper.
- 19 V S. Zuan Eudes conf.
- 20 S S. Bernart ab. e dot.

✠ 21 D SANTE GJOVANE FRANZES'CJE DI CHANTAL ved.

22 L S. Marziâl e comp. mm.

23 M S. Filip Benizi conf. (*Soreli cu la Frulade. 'E jes la Canicule*)

24 M S. Bòrtul apuest. *FAT DI LUNE (Lune di avost)*

25 J S. Ludui re

26 V Ss. Ermògin e Fortunât mm. di Aquilée

27 S S. Josèf Calasanzi conf.

✠ 28 D S. AGUSTIN vesc. e dot.

29 L S. Zuan dal cjâf tajât

30 M Sante Rose di Lime verg. e m.

ZOVIN DI LUNE

31 M S. Raimont conf.



Il mulin

Parmis de cjase viere, il len grant dal bearz e i pôi in rie sul rivâl 'e murmûin te bavesele; l'ombrene a sbighêt, la jù dapit, 'e je sgrisulade di soreli, dilunc fôr de stradele, su lis cjaradôrîis cjal-cjadis te tarabane; l'aghe subit in bande si rondòle jù cjantant pai clas.

'E je l'ore che none Barbure e' va a contâ lis gjalinis e ur bute un pugn di blave, cjacaruzzant cun lôr come cui frutins di siei fis che j zûin qualchi volte sul grim. Po' 'e tire fôr la corone: — 'O ài di preâ!...

Une volte 'e preave par che jerin vie, lontans. Jê si vise ancjemò...

Lassù, su la strade, 'e je une pierre scrite: « Strada di Germania » e une frezze 'e mostre de bande des monz di Cjargne; une volte si partive cjantant cu la prime bussade de morose su la bocje, e tal ajar de vilote al jere come un sgrisul di lancûr e une vene di cjant di rogazion.

E si tornave sul zalî des fueis a Perdon di Rosari o, la plui lungje, pai Sanz, cun tun sorenon e qualchi pipine di cent de bande dal cûr, a imbastî fiolanze o a cjoli chel stric di tiare che si oselave par meti sù famée, o a imprometisi cun qualchi frutate che si stêvij daûr.



La vòs di lui — dal vieli — 'e trime plui di mai, che anzit, a siarâ i voi un lamp, 'e devi semeâ quasi chel murmûi di aghe di un continuo, lì sot il muscli.

L'aghe 'e je plene di musichis dèntri des palis di rût.

Il vieli al va sù e jù futissant, si sporcje ancje lui di farine... Nol pò fâ di mancûl di dâ una man. Di pizzul in sù, fintremai pòc prin di menâ dongje chê cristiane là, al jere stât a rompi si i ues vie pes Gjarmâniis; po' cun so pari tal mulin, po' bessòl cui fis.

— La vin tal sanc nò chê musiche li...

Al cjale siei fis nassûz e cressûz in chel sun infalibil di aghe curint, ch'al é aromai te lôr vite come un pén che nol finîs nancje cu la muart. Drêe al sa!... Quan'ch'al é muart puar so pari, Griôr requie, si é sujât cu la manie une lagrime, e sot un'altre volte 'tôr des muelis. J pareve simpri di viodilu ancjemò, puar Griôr, a strissinâsi sù e jù pal mulin o là vie, sot i pôi, a bachetâ lis fueis bassis

cu la mazze di rôl. Ancje la sò vôs sul jet di muart 'e jere come chê da l'aghe che cimîe di soreli, speglade tal sofit. Ancje il mur-mujà de int che vevin scjavazzât ca, pai cjamps, par vignî a preâ une part di rosari chê sere ch'al é mancjât, al jere come chel da l'aghe li di fûr. E la gnot di vegle, l'aghe 'e mungulave li, plui a fuart, cu la buere, il so rosari infinit par duc' i muarz.



Il mulin, sot di Griôr, al jere lât in malore: la jarbate 'e cresseve te cort, e lis telis di rain jenfri dai scjassui, e lis gotis dal cuviart 'e fasevin fraidessi i lindarûi, 'e maglavin i mûrs. La sù, tal riscjel, s'ingrumavin cu la spiume i steccs, lis fueis, dut il minuzzam cjapât sù fûr pal bosc o jù pal ronc o dongje des medis disnizzadis, là vie dal passadôr. Nissun netave...

Ma Griôr cul timp al veve repezzât di pît sù chel sgrebanat, ce cun bêz vûz ad imprest de glesie, ce cui fis pal mont. E par parâ jù i dèbiz al veve vût il so dafà a dâj sot di schene e di gjambis: partî di buinôre a lum di stele, di ogni timp, folpeant la nêf, svuacarent pes pozzalis, a pâr dal mul (lis ruedis 'e uicavin jù pai borcs e la int tal jet 'e disevin: — 'E son quatri: al é ca Griôr!) e jentrâ a cjapâ sù daûr di ogni parte il sac praparât; e tornâ a cjase di dopomisdì cu l'aghe sante; e masanâ di gnot a un fregul di lusôr, vîf e mûr sot i trâs, pendolant di sium, madûr di strache; e plui di qualchi volte inzussîsi sui molestàs. Nome par chê zumiele di mundure!...

Cussì, cul tignî cont, cul sparagnâle di bocje, puar Griôr al veve podût ripiâsi e lâ indenant pal miei. E se al tocjave une muele, une cengle, la torte, cussì come a fâj a-cjâr, j pareve di tocjâsi se stes, parcé che al saveve lui ce sudôrs ch'al costave fin l'ultin claut là dentri.

Dopo muart lui, i fis plui zovins 'e son lâz fûr e al à cjapât in man il mulin il plui vieli, Drée: lui al è fûr di etât, aromai. Ma nol pò fâ di mancûl di dâur une man e di insegnâur: — Al va fat cussì, al va fat culâ.

Po' si tire sù, subit di sorâ, a netâ il riscjel.

— Puar so pari spudât! — si disin chei che àn cognossût il vecjo Griôr — ancje lui si sentave su la roste de roe a sbisiâ chel gherdei di sporchéz tal riscjel.

E l'aghe 'e côr clupant. I mulinars 'e àn tal sanc chê musiche li..

Sul rivâl i pôi 'e svintûlin trimant, cul cjâf in jù ta l'aghe, sot lis renzidis. Une ombrene scure 'e cuviarz la Madone piturade sul mûr maestri. La roe 'e alze la vôs e in chê musiche ancje l'anime si sclaris.

— Bisugne preâ, la int...

Doman il vieli, vadì che nol jeve plui...

Bernardin Vergili

(Da « La musiche de roe », prose premiade tal Concors de S.F.F. dal 1948)

Cjavut e alis

Al é come une bugade di zoventùt dentri des venis, chest odôr di viarte. Primevere 'e je ca plui adore di mai, e il svuisulâr al é za in rose e lis bachetis vecjs e induridis vie pal unviâr 'e son za sglonfis di bùtui.

Ma chel prât lassù al é za flurit di un piez in ca, di simpri...

Parceche al é un blec di prât, tal miez dai cuei de mê tiare, dulà che une primevere che dure simpri 'e spant fûr cisignocs e pastei e violutis tal miez de arbe resinte. E li e' disin che vegnin a zujâ chei agnulùs pitinins che i pitôrs 'e pitûrin nome cul cjavut e lis alis, pensant forsì a chê creature di zornadis, muarte a chê puare femine culajù... Chel pradissut al é pizzul come un curtîl di cjase o une plazzute di borc e i agnulùs si cjâpin pe man, sul cricâ dal di, e po' 'e corin atôr atôr cjantant cu lis lôr vosutis creis come il ridi o il cragnâ di un fantulin vif.

Sul prât, la lôr vitute 'e je un sgrisul di lûs plui fuarte. No plèin nancje i fros plui sutii: come lis pavèis d'ogni colôr tal soreli o lis lusignutis sul lâ a mont, cul lumìn vif-e-mûr drenti la fumate de gnot ingherdeade 'tôr de arbe, a fil tiare...

La roe 'e passe dapit cu la sô vôs umide e cui voi di lûs de sô aghe curint... E sul ôr i agnulùs si sèntin a svuacará o a pristignâ cu la tiare, e li 'e fevèlin cun dutis chês besteutis che vie pal bosc 'e cisichin a dilunc... E dulà che pòin i pidûz discols 'e nàs une rose, e dulà che si sèntin 'e ven sù dit-e-fat une cove fluride: parcêche se un agnul al tocje la tiare 'e pò sei nome une rose che nàs, come che lis bussadis 'e colorissin di vif i milùs de muse dai frutins di cajù...

Cussì chel prât ch'o sai jo al é sparnizât di rosis di ogni stagjon e la roe 'e à simpri la vôs cjantarine.

Ma quanche la « grande » 'e disgote i siei bòz malinconics jù dal ferâl dal tôr e tal cil al reste un salustri di ajar e lis fueis dai rôl 'e trèmin par entri dal lancûr de sere, i agnulùs si clâmin un cul altri. Parcêche lassù, sul cjampanil de Plêf al si dismôf l'Orçul sossedant; e lis Aganis 'e vegnin fûr dai sgoifs de roe, fin cajù dai lavadôrs; e i masarôs di bosc 'e scomenzin a balâ in jenfri dai lens fis e neris di timp, intant che un sfris di lune 'e ven sù de tiare viars lis pontis plui altis dal bosc...

I agnulùs si clâmin. 'E sintin ancje lôr tal curisin une voe dolze come di vai: te lôr cjase, lajù, une mari bessole si sue di seuindòn cu la man une lagrime di cûr, pensant al frutin muart: al veve lis manutis blancjs blancjs e la musute di cere; e lis rosis che j vevin metudis atôr atôr no erin inmò no, plui bielis di lui!

E alore 'e van; e lis lôr vosutis 'e muerin te lontananze e tal suspirâ de sere al reste un sgrisul di lûs, un zimiâ di stelis e un odôr d'inocenze dismenteade dai umign; un bon odôr di cil.

Bernardin Virgili

Il plan

La mè vite si é disglimuzzade dapfît des monz: jo lu dîs simpri che mi soi fate alî, parcé che la mont 'e lasse ta l'anime il so stamp, come la man di un scultôr ta l'arzile. Ma quan'ch'o voi jû pal plan 'o capîs il parcé dal cuintri-cjant c'al mi murmûje in fonz a l'anime: la calme disperade dal plan. Il plan, ch'al si scjafœ d'istât te boane e d'unviâr al mostre la sô muse ingritignade al cîl...

Il plan par me al è leât al ricuart de none, come ch'o m'e impensi: sentade dongje dal balcon a cori daûr ai rais di soreli che a qualchi ore 'e vignivin a sbisiâj sul music e a mûri tal so grim. 'E spietave che j tornassin siei fis dispiardûz cui plui dongje, cui plui lontan. Parcé che la vite 'e je dute un spietâ, ch'al devente alt quant che il cûr al sint che il so timp al é sot il zoncjâsi.

La muse di mê none 'e jere ferme, salde, no dismolade; i siei voi scûrs no vevin agn: co' jû alzave a fissâ 'e lampavin. Sul zerneli, tal miez des grispis 'e jere une grispe plui in sot — un tòi — che no j ere vignude par vecjae. Ancje i siei fis a' la vevin, biel canais.

Al é un piez di timp che mê none 'e je muarte, ma jo la viôt ancjemò ferme a spietâ: intôr, difûr dal balcon, al si môf il borc e la fevelade largje des feminis 'e ven fûr des cjasis a bugadis cjaldîs e s'incrôse di une androne in chê altre. Dentri, tes corz, la vite al pâr che no mudi, che sbrissi di gjenerazion in gjenerazion cu l'ande dai rojuz che vadin vie pal plan, cul pês e cul odôr dai cjars di fen ch'e implénin lis stradis quan'che tòrnin dongje. Lis fantazzinis 'e jessin a trops de filande: 'e àn lis mans ingrispadis, flapîs, e il pàs sigûr di cui ch'al spere...

Leade al pinsîr dal plan 'e je chê glesie, dulà che i viej 'e cjan-tavin come i patriarcjs des stòriis antighis. Ancje gno pari al s'im-pense di lôr; al conte di quan'ch'al ere canai e lis sôs peraulis s'impin come se j sunàs dentri une liende. Par me 'e je la liende dal plan.

Tal plan al é chel gran simitieri, indulà che je la none, indulà che jê 'e à viodûz a tornâj tal grim chei fis ch'e spietave, e i fis di siei fis. Quan'che si ju compagne là, jo la viôt alzâ il cjâf cun chel lamp tai voi, come cui ch'al sta in uâte, e po' disbassâlu, viarzi i bras e indulcîsi.

'E cjàntin! Un *miserere* larc, che nol é un cjant di muart, al é un cjant di robis grandis, cussî che noaltris no podin stâj daûr, parcé che je la tiare, la vite, il distî. Diu, che si tòcjin parsore di nô.

Novele





9

In Friûl il soreli al jeve tra lis 5.35 e lis 6.06; al va a mont tra lis 6.49 e lis 5.52 di sere.

- 1 J S. Gjesué prof.
- 2 V S. Stiëfin re di Ongjarie
- 3 S Ss. Eufemie, Dorotée, Tecle e Ràsime mm. di Aquilée
- ✠ 4 D S. MOSE' prof.
- 5 L S. Laurinz Justinian patr. di Vignesie
- 6 M S. Zacarie prof.
- 7 M S. Anastasi m. di Aquilée COLM DI LUNE
- * 8 J NASSITE DE MADONE (*Madone di Setembar*)
- 9 V S. Gorgòn m.
- 10 S S. Niculàu di Tolentin conf.
- ✠ 11 D S. EMILIAN vesc.
- 12 L *Fieste dal Non di Marie*
- 13 M S. Aloï vesc.
- 14 M *Esaltazion di Sante Crôs*
- 15 J *Madone dai Dolòrs* VIERI DI LUNE
- 16 V S. Corneli pape
- 17 S Lis Plais di S. Francesc
- ✠ 18 D S. JOSEF DI CUPERTIN conf.
- 19 L S. Zenâr vesc. e m.
- 20 M S. Eustachi e comp. mm.
- 21 M S. Mateu apuest. e vanzelist
- 22 J S. Tomàs di Vilegnove (*Soreli cu la Belanze; 'e jentre la Siarade*) FAT DI LUNE (*Lune di setembar*)
- 23 V S. Lin pape
- 24 S *Madone de Mercede*
- ✠ 25 D S. FIRMIN vesc.
- 26 L Ss. Ciprian e Justine mm.
- 27 M Ss. Cuèsim e Damian miedis, m.
- 28 M S. Venceslàu duce di Boemie, m.
- 29 J S. Michèl arcagnul ZOVIN DI LUNE
- 30 V S. Jaroni dot.



Dongja il foghèr cjante a 3 vòs di om

Peraulis di V. Cadel

Musiche di C. Conti
premiade al Concors de S.F.F. 1948

*Indurmidida su la poltrona
'a sta la mona
cu la corona
sbrissada jù.*

*Infin il Mici ch'and'à 'na fisa
dut al s'ingrisa
su la cinisa
rodolât su.*

*Ma Pieri e Jàcuma in tun cjanton,
jù di scondòn,
cul comedon
'a àn ben ce dî!...*

*E cidinuta una bussada,
dada o robada,
'a si fai strada
tra che' doi lì.*

*Una strucada cencia fà mot,
un pizzigot
'a si dan sot
par no durmì*

*Flour di bagaja! Ma, bon Signour
'a fan l'amour
e beâz lour:
magari jò!*

Allegro (♩ = 152)

Tenori I *mf* In-di-rni-di-da su la pol-trona 'a sta lă nona cu la co-rona, su la pol-

Tenori II *mf*

Bassi *mf*

tro-na 'a sta lă nona cu la coro--na strissada jū infîn il micî

chiandă na fisa dut al sîngeisa su la ci-nisa ro-do-lăi sū

şū-lă-lă-lă-lă-lă

mă Pierie Iacuma intun-gantō jū di scon-

la-la-la-la-la-la-la-la-la-la

-- don, cul come don, in tun canton, jù di scondon cul come don an ben, àmben di

Meno mosso

f E cidi-nu-ta una bus-sa-da dada o-ro-ba-da a si fai strada

con grazia

legg. più mosso

una bus-sa-da dada o-ro-ba-da a si fai stra-da tra che' de li
li. la la la la la

a tempo

la la la la la la la la la la la
Ora sta cada cencia fa' mot, un pizzi.

mf

got 'a si d'au sot cencia fà mot d'au pèr got 'a si d'au sot par no puer durmi flou d'ba

trattenuto

gaia! Ma, bon Signour, 'a fan l'amour e be àz l'our! Magari jo!

jo la la la la la

mf

Indurmi di da sula pol trona 'a stela nona cula co-

la la la la la la la la la la la

rona, su la pol trona a stela nona cula co-ro-na strussada jù, cula co-ro-na strussada jù

Vilotis antighis

*Li' fantati' navaroni'
a na àn frègal di ingen
e s'a vòlin maridâsi
scuegnin fâ il marous di len.*



*O four four, fantlâs di vila,
che i forese' vi fai l'amour:
lour vi sâltin li' paladi'
sei da scûr, sei da lusour.*



*L'altra di, bel gint a Messa,
iscint four dal gno curtij
j' vedei un trop di giovins
roseâs da li suris.*



*E ce biel cjapiel di paa!
A l'é dut inflochetât!
Ma chel giovin ch'a lu puarta
li' suris a l'àn gratât.*



*Cjantarini' cjangaroni'
ce volevo mai cjangtâ?
Sameais la mê gjalina
sul padul a cocodâ.*



*Tueimi me, che il diaûl ti puarti,
ch'i sei bon da lavorâ:
j ai la pala, j ai la pica
par podêti soterâ.*



*Il gno marous a l'é dal tiritori,
a l'à na gjamba rota e a n'al pos cori.
Sa n'al pos cori, e lui ch'al si strissini.
ch'al vadi a fa l'amour cu li' gjalini'.*

*Cjapadis sù a Navarons di Midun
da N. A. Cantarutti*

Vilotis gnovis

*Ca al é un flôr di primevere:
no lu cjol, t'al lassi a tî;
là une crôs di frede pierè:
il pinstr gno di ogni dì.*



*Jo 'o clamài dute la vite
e nissun mi à rispuindût;
par cui bôlie cheste cite?
Par me no, ch'o ài dut piardât.*



*Svèiti, svèiti che je l'ore,
cjape sù che' impresc' e va:
tù tu as vueide la panarie,
ma instes simpri lavorà!*



*Ti àn metude sù une plume
e ti àn dîle valorôs:
tu sês muart in cheste uere,
dulà ise la tô crôs?*



*Cjante, cjante inmò une volle
fantazzute dal gno cûr:
cheste musiche si scolle
a vinc' agn e po' si mâr!*



*Tu clamâris tù, frutine,
ma jo no ti olèi sinti:
valisute e tant di plume
e lontan, lontan partî!...*



*Impiàit une cjandele
par ch'al torni il gno morut:
pal esercit nol é nuje,
ma par me al é propit dut.*



*Prin di là une bussadute
ti ài lassât a 'reditât,
pò 'o soi muart: tu sês restade
cun dut ce che ti ài lassât.*

Lelo




Otubar



10

In Friûl il soreli al jeve tra lis 6.07 e lis 6.48; al va a mont tra lis 5.51 e lis 4.59 di sere.

- 1 S S. Remi vesc.
- ✠ 2 D FIESTE DAL ROSARI
 3 L Sante Taresine verg.
 4 M S. Francesc di Assisi conf.
 5 M Sante Flavie m.
 6 J S. Brunon conf.
 7 V Sante Justine verg. e m. di Padue COLM DI LUNE
 (Eclis totâl de lune des 3.19 es 4.33)
 8 S S. Simeon prof.
- ✠ 9 D S. DIONIS areop. vesc. e m.
 10 L S. Francesc Borgia conf.
 11 M *Maternitât de Madone*
 12 M S. Serafin conf. (*Solen. Civ. pe scuviarte da l'Americhe*)
 12 J S. Eduart re d'Inghiltere
 14 V S. Calist pape e m.
 15 S Sante Taresie di Avile verg. VIERI DI LUNE
- ✠ 16 D SANTE EDVIGE duchesse di Polonie
 17 L Sante Margarite M. Alacoque verg.
 18 M S. Luche vanzelist
 19 M S. Pieri di Alcântare conf.
 20 J S. Zuan di Kent conf.
 21 V Sante Ursule e comp. mm. FAT DI LUNE (*Lune di utubar*)
 22 S Sante Alòdie e comp. mm.
- ✠ 23 D S. SEVERIN vesc. (*Soreli cul Sgarpiòn*)
 24 L S. Rafael arc.
 25 M Ss. Crispin e Crispinian mm.
 26 M *Madone des Grâziis*
 27 J E. Elesban negus da l'Abissinie
 28 V Ss. Simon e Jude (Tadiu) apuestui ZOVIN DI LUNE
 29 S S. Narcis vesc.
- ✠ 30 D REGALITAT DI CRIST. B. Benvignude Bojane di Cividât
 31 L S. Bulfon (Wolfgang) vesc.



A missâr

lu cont Ermes di Colorêt

Missâr,

ch'al mi scusi s'ò ven a disturbâLu in chel cjanton di cja' dal diaul, indulà che lu varan mandât i siei pecjadâz. Ma 'o vares tant gust di viodiLu a tornâ in chest mont: nome un'orute...! 'O vares gust di viodiLu a cjatâ da di cui sotans di Guriz parvie dal fit o dal «lodo De Gasperi»; di viodilu a là a jéurs, cul arcabûs, par dongje dal Vâr e no cucâ altri che la còde di un noglarôl o di une pantiane di aghe; di viodiLu a spietâ il vapôr te stazion di Codroip, litigant cun tune proletarie dongje la balconete dai biliez; o a vigni sù pal stradon di Bisevente biel plancut cul sedîl, intant che i masanins di ogni fate lu passaressin sdrondenant, i micromotôrs j daressin il fum e... chel pepepè che Lui al sarès bon di clamâlu cul so non, ma jo no olsi; e fintremâi lis frutatis in biciclete j sbrissaressin vie par dongje come saetis, sgagnint su la muse... Cu lis cotulis par ajar, missâr lu cont, e il persût in viste! E Lui a scoreâ il cjaual par sbrocâ la fote!

Eh si! 'E son voltâz i ajars! Adulà esal chel fogolaron di Guriz cun tre spèz che si rosolavin sul boréz? Adulà sono chês tripis sfondradis che metevin a sotet, come nuje, tre brusadulis di purcît, une cuesse di dindi, une spadule di cjavrûl, dôs talpis di jeur, un pâr di gjariulis, une steche di lûjars, une pladine di dordei cul tocjo, une bombone di ribuele dai Cuei e ancjmò ur vanzave fan e sèt? Adulà sono chês briadis di siorie matarane che si tiravin dongje tai salons de sò palazzine a sinti lis sôs rimis slapagnotis e a sbregâsi dal ridi? E chei bocons di massareatis saldis e penzis che si davin di volte te sò cove? (Magari feminis a'nd'é ancjmò e la lôr marcanzie 'e je simpri compagne...!) Ma Lui, missâr lustrissim, al pò vê a grât al distin che lu à fat nassi e vivi ai tims tremenz de... 'Quintririforme!... S'al tornâs in chest mont in di di uê, tal secul de libertât e de democrazie, tai secul de anonarie e dal amàs, de Gjespe e di Rite Hayworth, garantide che nol risistarès un'ore, e ch'al domandarès daurman di tornâ jù pitost in chel cjanton di cja' dal diaul... indulà ch'o j fâs riverenze e lu lassi.

Catarine dai Conz di Percût

Siore contesse,

che mi lassi ch'o mi sbrochi un moment cun Jê, che no pô pandi a di nissun lis mës stravaganzis di lengâz. Jê vadi che pô capîmi: dai miei cognossinz no'nd'é un che mi capissi. Jo 'o soi une biade femine che, te mê vite, 'o ài fat dut l'incontrari di Jê; 'o ài sbalgjât dut. 'E pô nome crodi cetant che mi bruse a dilu, ma 'e je cussì.

Fie di un pàur avonde passût — juste des sôs bandis, siore Contesse, — cressude in tune cjase plene e furnide di dut, 'o podevi restâ in campagne, cjatâmi un bon contadin (ch'al ven a stai un omp libar e paron di sé), 'o podevi puartâj in dote qualche cjamput che gno pari mi veve destinât, meti al mont e tirâ sù une prole sane e ghiarde, e vivi i miei agn in sante pàs. Ma no mi smecave di lavorâ te braide: 'o ài volût lâ indenant cui studis, mi an mandade es scuelis e mi soi diplomade.

'O podevi cujetâmi li: 'o mi cjatavi; duc' mi olevin ben; 'o jeri si pô di, la parone dal país; e al ere tant il ben che si podeve fâ a chê brave int. Ma 'o vevi simpri tal cjâf la zitât: 'o pensavi che là 'e je un'altre vite, un ambient fin, une pussibilitât di slargjâsi l'anime, di cultivâsi, di divertisi. Mi é capitât tai pîs, subit dopo di che altre uere, un ufizialut vivarôs, creanzôs, sassin di cjaladure, pront di lenghe e mol di suste: mi à plasût, mi soi impromitude, e lui, finît il so servizi, mi à cjolte. Ma gno pari, ledrôs e mastin, nol à olût smolâ i siei cjamps a un che nol intendeve lavorâju di bessôl. Cussì 'o ài scugnût traficâ par cjatâ fûr un impiegut al gno omp e 'o sin vignûz a stâ in zitât, come ch'o bramavi.

E cumò 'o soi cà: cun tun cristianut svampît e dispossent che, fûr dal so ufizi, nol sa ne fâ ne di nuje; cun tune fie spàvide, scachide e lichignote che 'ndi à simpri siet e ancjemò une; cun tun brocul di frut plen di cunvuls e di tristerie, che mi fâz zavareâ; e un quartirut di tre stanzis in tun bòz di âs. E ogni mës al é un zûc di trie par rivâ al vincjesiet; ogni stagjon un lambicâsi par rigjavâ il vistît gnûf dai rifais di doi tre vistîz vieris; ogni di un tràfic disperât par salvâ la muse, un torment da l'anime par fâ la buine figure cun duc' chei che gno marit mi mene par cjase, cun dutis chês ch'o scuén invidâ jò a fâ careghete..

Vessio fat come Jê, siore Contesse: fossio restade indulâ ch'o soi nassude, a viodi des gjalinis, a imboconâ ocjs, a mantignî scrœvis, a scussâ panolis, a dispecolâ fasui, a spelâ dindiâz, a messedâ polente, tan'che mê mari, tan 'che mê none, te ultime vile de Furlanie...

Che mi perdoni s'o ài propi struçjate la cite: une volte ogni tant al tocje pôr disvuedâsi par no dâ un ton..

Done Zilie Cumine, requie

Bisnone benedete,

jo no us ài cognossude, ma in cheste stanzie, parmis dal taulin, al é il uestri ritrat: un ritrat scûr e smamît aromai: lavôr di un slapagnot qualunque. Nome i voi 'e àn alc... Us à fate une muse zalute, ingrispade e un fregul grintôse; un fazzolet neri sul cjâf cui doi pics butâz sù, come che usin ancjemò lis cjargnelis; e un'altri fazzolet su lis spalîs, incrosât par denant; un fil di corai a bon presit in tanc' zirs atôr al cuel, e une crosute d'aur juste sot la sbessule. Ma usgnot a cjâlâus in chei voi zelesc', lémiz e quasi inmatuniz, mi pâd di sintimi a ingropâ il cûr e mancjâ il flât. Mi contave gno pari che, in vite uestre, no vevis mai olût lâ fûr dal Friûl: la uestre cjase, la uestre braide, la uestre glesie, la uestre prole e lis uestris voris us implenavin lis zornadis e us insaurivin la vite. Noaltris di cumò, cui nus puedial passi e colmenâ? No vin une cjase nestre, no vin amôr pe tiare, 'o lassin la canae in man es maestrîs, no savin preâ ne pai vis ne pai muarz. Il nestri pinsîr al é une mâchigne di calculâ, il nestri fevelâ une ruvis di numars, il nestri mont un davò di ruedis, il nestri vivi une gjostre atôr de tiare. No cognossin rimuars parcé che no vin cussienze; no sintin nostalgîis parcé che no vin ne patrie ne cjase; no podin tradî parcé che no vin zurât ne amôr ne fedeltât a nissun. 'O vivin in tiârmins di culture economiche, 'o lavorin nome pe pae, 'o mangjî pensant al presi de pietanze, si olin ben cul orloi in man, 'o nassin tune cliniche e 'o murin in chê altre. Un amôr disfurtunât e un dolôr di dinc' nus distûrbin chel istes.

Eco un sunsûr par aiar: un argagn ch'al svolè... Ma chel nol é svolâ: un omp tabarossât di corean, tra orlois, bussulis e quâdranz, tra numars e speris, al frache un boton, al zire une clavete, al brinche une jeve, al pescje un pedâl... Nol é svolâ: 'e je la metemâche s'cjampade par aiar. Un sivil pe campagne: al é il treno ch'al còr... Ma chel nol é cori: un fregul di fum ch'al pare ca e là un stropul, un remenâsi di feraze, une ruje che si strissinine pal mont, plui scure dal scûr: la mecaniche a spàs pai cjamps. Di là, in cusine, 'e àn impiât l'aradio: al cjante une romanze... Ma chel nol é cjantâ: un striament di filistrins e di vârvulis a piruzze, dentri di une cassele, dulà che cjarz sgrisulons rivâz par ajar 'e devéntin sunsûr, sivi, tossudis, sgrasajadis... Bisnone, vô no s'insumiavis di chestis robis: 'o vevis sot i voi zisilis che svolavin, cjans e jeurs che corevin e, di zovine, cu lis compagnis, 'o cjantavis lis vilotis e, di viele, la messe di muart, cu lis réquiis! E chel al jere un svolâ di alis, un cori di gjambis, un cjantâ di palmons e di gargat; chês no jerin cuintrifazions.

A sâr

Pieri Zorut

Sar Pieri lustrissim,


beât mai Lui ch'al é lâ t a viodi il lidric de bande dal pòc prime che la Furlanie 'e vés imparât a vergonzâsi di jessi furlane! Il distin j à sparagnât, sar Pieri, un grant displasê. S'al fos ancjemò ca vie di cà, s'al cjaminàs ancjemò cul so pàs clopadiz pai bords, pes contradis, pes andronis e pai stradai di Udin — che in uê 'e son diventâz *via o vicolo o viale*, e il non lu mudin ogni altre di come s'al fos une cjamese clare — s'al si fermàs a scoltâ lis tabajadis de int in plazze o in tune ostarie, garantide che j vignarressin i sgrisulons, e su lis cjartis dal so « Strolc » j colares di man il penâl. Ca 'o sin a Babilonie, Sar Pieri: ca si sint a fevelâ, a litigâ, a pezzotâ, a blestemâ par travisan, par triestin, par toscan, par napulitan, par sizilian, par... « udinês » e — rare chê volte! — par squasi furlan. Oressial savê ce dialet ch'al é l' « udinês »? Mah, cui pò dilu? Al è une messedanze, un panadòt, un tocjo di peraulis furlanis che finissin par talian, di peraulis padoanis che finissin par furlan, di gramatiche puliese, di stilistiche sclave tamesade fûr pal triestin... La vanguardie de ziviltât, sar Pieri! Nus 'e àn puartade i mestris d'ogni dontri, lis massâriis tornadis a cjase di Vignesie di Milan di Rome di sao jo dulà, i turisc' e lis « mulis » di Triest, i caporai di fantarie, i sensârs des bandis de Plâf, i garzons dai scaletirs e dai barbirs che son stâz a disgrezâsi jù pe Penisule. La Furlanie, sar Pieri, 'e je diventade sudizionose: no olse mostrâ la sô muse, no si ten in bon se no met intorsi i vistiz di chealtris, no crôt di fâ figure se no simiote il fâ e il fevelâ dai vizins e dai lontans. Ce uelial? Debulezzis! Ai siei dis 'e jerin i siôrs e i studiâz che no si tignivin apajâz di doprâ il lengâz de plebe: in uê, a Udin 'e son juste quatri studiâz che si ustinin a tignilu in vite, indulâ che la ratatuje di mieze bigogne lu disdegne e lu bandone ad implen. E se qualchi volte si disbasse a doprâlu cu la cojarie, Marisante sar Pieri, ce mignestre! Il so furlan, il furlan sclet e vivarôs dai siei vincequatri « Strolcs » al é bielzà diventât une antigae. E Lui al sarês intrigât a fâsi capî pulît dai zitadins di cumò cun chel lengâz.

Ch'al duarmi in pàs, sar Pieri e che nol stêi a puartâ invidie a cheste biade gjenarazion.



In Friûl il soreli al jeve tra lis 6.49 e lis 7.30; al va a mont tra lis 4.58 e lis 4.30 di sere.

- ✠ 1 M FIESTE DI DUC' I SANZ
 ✱ 2 M Memorie dai Fedei Defonz
 3 J S. Just m.
 4 V S. Carli Borromeo vesc. (*Fieste Naz. pe Vitorie dal '18*)
 5 S S. Zacarie pari di S. Zuan. COLM DI LUNE
- ✠ 6 D S. LENART conf.
 7 L S. Erculan vesc
 8 M S. Claudi e comp. mm.
 9 M S. Orest e comp. mm.
 10 J S. Andrée Avelin predi
 11 V S. Martin vesc.
 12 S S. Nil ab.
- ✠ 13 D S. GJEGO (Didaco) conf. VIERI DI LUNE
 14 L S. Josafat vesc.
 15 M S. Albert il Grant dot.
 16 M Sante Gjertrude verg.
 17 J S. Grivôr Taumaturc vesc.
 18 V S. Roman m.
 19 S Sante Lisebete reg.
- ✠ 20 D S. FELIZ DI VALOIS conf. FAT DI LUNE (*Lune di novembar*)
 21 L *Madone de Salût* (Presentazion)
 22 M Sante Cecilie verg. e m. (*Soreli cul Balisttr*)
 23 M S. Clement pape
 24 J S. Grisogono di Aquilée m.
 25 V Sante Catarine verg. e m.
 26 S S. Silviestri ab.
- ✠ 27 D VALARIAN vesc. di Aquilée (*Avent*) ZOVIN DI LUNE
 28 L S. Mansuet vesc.
 29 M S. Saturnin vesc.
 30 M S. Andrée apuestul



Matine e sere

Nardinut al spalancà il balcon de sò cjaminute: lis agazzis altis dilunc dal rojùz, tan'che ogni dì a buinore, si jerin come drezzadis sù, pe bussade dal prin soreli; e il cjant che lis cisilis 'e vevin fat intôr di lôr al pareve une glagne di perlis restadis alì e che trimassin.

In chê che il gjal al tornave a slungjâ il cucl pe sò sberghelade, barbe Meni al jessi dut sbarlufit de cusine e al s'invia plancut par là a menâ fôr lis bèstis e il cjâr. Intant ancje il nono al jere daûr cu la pompe par lavâsi.

Jù...

— Pizzulat, sestu ca?

— Sì, jo.

— Ben, prapariti, ch'ò vin di là a Pradiscjs a vendemâ.

Nardinut al si meté daurman a tirâ aghe cu la pompe, e ogni colp in jù al diseve: — Pradi... — e ogni colp in su: — ...scjs!

Il puartonat di lamarin al si viarzé uicant e il cjan al molà quatri uacadis daûr dal cjâr ch'al s'invia. Vie!

Sul cjâr, il nono: pipe in bocje, grispis scuris su la cope e voi clârs; barbe Meni: la scorie in man e lis spalîs largjs; agne Anute e Catine e i zeis e, tal miez, il brantiel neri e bessôl.

Difûr de puarte di cjase sò Taresie ju saludà:

— Oh, a vendeme?

Agne Anzule j rispuindé:

Sì, 'ò lin a Pradiscjs. Fieste pe canae!

— Eh! Nardin nol lasse mai là atôr di bessôl il nono. Nomo, Nardin?

Nardinut al dé une menade di ciâf intant che Taresie, restade lontane, 'e faseve un salût legri cu la man.

Te braide dut vert. E soreli. E lis vîz cui raps neris 'e jerin dutis stuartis par amôr de tiare e dal cil.

Catinute e Nardin 'e fôrin i prins a cjapâ sù un zeî e a cori dongje di une paline. Ma quan'ch'al fo là e Catinute 'e veve za pojâz drenti un pâr di raps, Nardin, al si voltâ per vîodi dulâ ch'al jere il nono e di colp al brincâ il zeî e al scjampâ di corse dongje di lui, intant che Catinute j sberlaye daûr:

— Po' dulâ vastu cumò?

So nono j disé:

— Po' sestu ca?

— Nonut, quale ese che buine?

— Tire jù cumò. Co' rivin insomp 'e je chë buine. T'e siet-zarai jo.

Nardin e so nono 'e spesseavin a dispicjà raps. Scrufujât sui siei zuculons impaltanâz, il nono nol cjalave Nardinut ch'al jere dongje, mà Nardinut al jere istes dongje di sò nono. E il soreli al jere parsore di lôr e parsore di dut il cjamp, par scjaldâ la tiare e lis vòs di agne Anzule e di Catinute. Al scjaldave ancje il cjapelon e lis spalîs di barbe Meni, ch'al jere lajù dapit, cidin, e lis vacjs peadis tal tamon e il cjâr insomp dal cjamp, lis monz lontanis lontanis, il timp passât e l'avignî. Dut al scjaldave in chë biele zornade di siarade.

'E jerin squasi rivâz insomp. Nardinut al tornà dongje cul zei disvuedât e al cjatâ sò nono inmò inclucît sui siei mulòz impaltanâz.

— Ese culi chë buine, nono?

— Cumò! — al murmujà il vieli. Al slungjà une man e al tirà jù un biel rap, e la tiare lu tirà jù lui...

— Nono! — al zigà Nardin spaventât.

— Cà, pizzulat! — al disé istes il nono alzant la man cul rap.



Pe strade dal paîs il cjâr al tornà a cjase cu lis feminis, cun barbe Meni, cui canais, cui zeis blancs e cul tinaz neri tal miez. E al pareve ch'al fos sù nome chel tinâz.

Taresie che jere juste su la strade, cul seglot lustrî dal lat dal molt di sere, 'e disé:

— Bielzà finît?

J rispuindé nome agne Anzule dant une voglade al nono distirât. Nardinut sentât dapit dal cjâr la viodé ferme te strade e no faseve nissun segno cu la man.

A. Cantoni

La cjampane dal perdon

Ogni tanc' agn in cheste vile 'e sùnin la cjampane dal perdon. Par un'ore a lunc i glons 'e clâmin: un'ore di pàs indaûr, di revocs e di rimuars. Al é simpri tant ce perdonâ; e cheste cjampane 'e sune par duc', te gnot imbarlumide di novembar.

Sui zernelis 'e son' grispis tajadis in dentri; lis mans des feminis 'e trimin, lis bocjs 'e tàsin percèche il perdon si lu domande cence vòs, cun tun lengàz ch'al va di une anime a chë altre. Ogni tant al scroche il saltel di une puarte, al bat un pàs par une strade o par une cort, si viarz un'altre puarte.

La cjampane 'e sune e lis fueis dai lens 'e svòlin a durmi su lis jarbis smuartidis dal bagnùm inglazzât. Il revòc des cridadis e des maludizions, il pès des mans che àn dadis botis o fat sanganâ si piàrdin cussì.

Ma a'ndi é ancjemò perdons di domandâ: par malans che no si à mai pandûz, che son nassûz cussi, tal fons di un'anime, in tun moment di sut; e bogn di vê, salacôr, strimît qualchidun. 'E sune la cjampane dal perdon pai vis e jo no sai se i muarz a' la sintin. Lôr no son plui vistiz di cjâr: par chel, vadi, 'e puedin sinti il sbatiment di un vif ch'al à bisugne di jessi perdonât e al trime pal distridisi di cheste ore...

Sintino i muarz? Eco, alore, un discors net, ch'al cjamine par un fil:

— Jo no ài olût amâti. 'O'vevi pôre di ardi e mi soi siarade.

Tu eris ben dentri di mé, ma jo 'o volevi fâ ancjemò strade prin di fermâmi a fâ l'amôr.

'O ài vût cûr di diti di no e platâmi daûr peraulis crudis, par no che tu sintissis nuje di mé: ma tal fons 'o jeri une sisile che bramave il nit. No tu mi às domandât plui nuje, no tu mi às preade: i tiei voi mi àn mostrât il frêt dal fiâr e mi àn cjalade come par dâmi une scurtissade. Tu sês lât; dopo ti àn fat muri.

'E je vere che no ài 'olût viarzi il gno ben — nissun mâl al dût plui di chest a confessâlu — ma disimi che no soi stade jo a fâti stomeâ de vite, a fâti muri! Discjòlimi vie da l'anime chei tiei voi simpri dûrs.

La cjampane dal perdon 'e dà i ultins bôz. Scoltimi! 'E sune pai vis e pai muarz: prime che vebi finît, fâs ch'o puedi cjalâti cence disbassâ il cjâf di pôre, cjalâti come une volte.

Parcé che in me l'amôr nol mi é muart mai, 'o olsi domandâti perdon...

Novela

La gnot dai sanz

La gnot dai Sanz ce cjantâ — o vai po'? — di cjampanis fin a straoris! E intant 'e sclopétin lis bueris e al nase bon l'orâr des moncjs, ta l'aghe denant de polente. Sul lâ a mont 'e vegnin su la puarte chei frutaz cul muini:

— Nus dais pursi un got di chel di turcli, par usgnot! 'O sunarin ancje pai uestris muarz.

Il vieli al tire fûr un fiasc sem e ur al disvueide jù te bombo-nute su la cariole. Il vin al sune gustôs tal vueit, svuacarant fûr dal cuel sutil dal fiasc.

Po' la none 'e implene i cjaldîrs di aghe di pòz. La gnot dai Sanz dutis lis animis 'e van in prucission pal cil penz di plovisine; e ognidune 'e jentre infalibil a cjase sô, a bevi tai cjaldîrs.

— E se no'nd'é aghe? — 'e domândin i fruz. (Il vieli sentât da cjâf dai fûc al specole un zei di blave di puartâ doman a Messe dai Muarz, e la viele 'e dà l'ultime voltade 'e polente, intant che i frutâz 'e finissin 'tôr de bestis, te stale).

— Se no 'ndi é, 'e tîrnin a lâ malapajâz, e dopo 'e scûgnin patî la sêt fintremai chest an cu ven.

Il nono al cjale la piere frujade dal fogolâr.

— Cincent! Cincent agn passe!... — al pense.

Sul fogolâr 'e bale la flame, come dentri i voi ches peraulis scribizzadis sun tune bergamine de plêf. Sul volt de puarte di fûr al é un non a miez, sgriât tal tof: «...centius». Che anzit al diseve simpri il plevan vecjo — un sant omp! — al diseve simpri, quan'che al vignive par cjase a benedi 'tôr de Pefanie o a Pasche:

— Saveo, vualtris Molars, ch'o seis la famée plui antighe de plêf?

Il predi al cjalave un moment par ajar, siarant dongje i voi:

— *Jeronimus quondam Vincentius cognominatus Molar*. Ch'al ven a jessi: Jaroni fi di Vizenz che j disevin za in chê volte Mulinâr. Pensait: mil quatricent e vincjetre!...

Il vieli al pense:

— Cincent agn! E il nom te clâf dal volt...

La piere dal fogolâr 'e je dute frujade e ancje il scjalin sul pat de puarte al é lint.

'E flame viarte dal fogolâr 'e bâlin ombris neris sul pal mûr daûr de schene. Al pâr che a voltâsi al sedi qualchidun: di vê pôre, eco...

Cui murmûje jù pa l'aghe e par jenfri il gherdei dai ramâz? Veso dât tant di clostri su la puarte di fûr?

Salacôr 'e je dismote la buere vie pal bosc. E al pâr che vegni di lontan dal timp a dilunc agn e agnoruns...

Ma cui busine su pe nape?

Usgnot 'e je la sere dai muarz...

Bernardin Vergîli

La gjachete su la glove

*Al meteve la gjachete di soldât
su la glove, dongje il cjanton de lobie.*

*'E je restade lì, te ploe, dopo...
che nissun le à tocjate.*

Dismenteade?

*Al é muart che nol à dit nuje;
dome un segno cu le man ai fîs...*


*vadî parcé che murî cussì
al é come lâ a vóre a buinôre.*

*Ma nol à puartade daûr la gjachete!
La gjachete di pano, a blecs, mendade,*

*'e je a traviars de glove, sot la ploe;
je diventade un crûgnul tal soreli,*

*come chel strop di tiare culassû
cun tune pinie di jarbe atôr atôr...*

Dino Vergîli dai Bas



12

In Friûl il soreli al jeve tra lis 7.29 e lis 7.43; al va a mont tra lis 4.29 e lis 4.31 di sere.

- 1 J Sante Nadalie m.
- 2 V S. Cromazi vesc. di Aquilée
- 3 S S. Francesc Savieri conf.

✠ 4 D SANTE BARBURE verg. e m.

COLM DI LUNE

5 L S. Dalmazi vesc.

6 M S. Niculàu vesc.

7 M S. Ambròs vesc.

✠ 8 J MADONE DE CONCEZION

9 V Sante Valerie verg. e m.

10 S *Madone di Lorèt*

✠ 11 D S. SABIN vesc.

VIERI DI LUNE

12 L S. Sinesi m.

13 M Sante Lùzie verg. e m.

14 M S. Spiridion vesc.

15 J S. Ireneo e comp. mm.

16 V S. Eusèbi vesc.

17 S S. Làzar rissussitàt

✠ 18 D S. GRAZIAN vesc.

19 L Sante Fauste romane *FAT DI LUNE (Lune di dezembar)*

20 M S. Liberât e comp. mm.

21 M S. Tomàs apuestul

22 J S. Flavian m. (*Soreli cul Cjastron; al jentre l'invidr*)

23 V Sante Vitòrie verg. e m.

24 S Sante Irmìne verg.

✠ 25 D NADAL DI N. S.

* 26 L S. Stiefin prin dai martars

27 M S. Zuan Venzelist


ZOVIN DI LUNE

28 M Ss. Inozenz di Betlem

29 J S. Tomàs vesc. e m.

30 V Sante Nastàsie verg. e m.

31 S S. Silvestri pape (*Ultin dal an*)



Pulitiche tributarie

Un pùar cjanut — nome piel e cuestis — passant denant di une cjase al sint un odorin di brusadule cuete su la gridele e al si ferme murungulant su la puarte.

La puarte si viarz e al comparis il paron.

— Pùare bestie, tu as fan, nomo?

Il cjan, content di jessi capit, al spessée a menà la code.

— Spete mo', puarin — al dis il paron. Al met une man te sachete, al tire fûr la britule, al cjape il cjan pe code e j 'ndi tae un bocognut.

— Cjo' mo', Fido, mangje un tocute di cjâr ancje tu!

Cussì a fâs il Guviâr, par dâ di mangjà al popul.

D. d. B.

Raritàz

Ogni buc di chest mont, dulà che Napoleon al è passât, al à la sô di contânus a proposit. Vîno di jessi dome nô furlans pardût simpri i ûltins? E si che lui, pardie, al è po stât des nestris bandis!... Tant par rimediâ a cheste mancjanze us contarai jò la stòrie di Napoleon e da l'ustîr di Passarian. E che la slôcje 'e sedi... storiche 'o discutarin sôre un'altre volte.

Duncje al stave Napoleon une di fasint un zirût a cjaual, 'tôr Passarian, quan' che sintint a bruntulâ 'l stomi al fermà la so bestie devant 'ne ostarie che si cjatave a jessi, in che volte, sul stradâl ch'al mene a Codroip.

E al ustîr incocalit, saltât fûr incuintri, al ordenà lui in presse un pâr di ûs in antian.

Mangiât ch'al vé di gust e scoladis dongje un pâr di tazzutis di nostran, Napoleon, jevant sù par là, al domandà 'l cont: cjatanlu 'ne vòre salât, al disè lui, inalore, riduzzant al ustîr ch'al spietave dapît la tàule:

— Disèimi, copâri, sono tan' rârs i ûs in ches'c pais, par jessi cussì ciârs?

Il nestri omp 'i rispuindè pront:

— I ûs no son rârs, lustrissin, ma ben i Napoleòns...

R. Vidoni

Dal barbîr in montagne...

Une zornade un cristian si cjate a jessi in montagne cu la barbe lungje. A la parone di cjase al domande se in chel país, platât sot di une crete, si podeve ciatâ un barbîr. 'Orpo e fûr! Indulâ crodevial di jessi? Si che al ere un barbîr ancje lassù. E j dà i ienfri-sègnos par cjatâlu.

Chel al s'invie e al viôt une table e cu la indicazion precise: *Barbiere*. Al ientre par un puarton e si cjate in t'un curtil, dulà che no è anime vive: al clame, e ti viôt a vigni dongje un omenon cun t'un pâr di mans fatis apueste par sclapâ pieris e cu lis dâl-mnis tai pîs:

— Ce vuelial, lui? — j domande.

— Isal culi el barbîr, par plasê?

— 'O soi jò chel...

Ce vevial di fâ chel biadin?

— Alore fasèimi la barbe... — al dis.

El montagnûl lu mene vie ta l'arie e lu fâs sentâ sul tamon dal cjâr, j met 'tôr dal cucl une canavace che no si çapive di ce colôr che ere stade, po' al cjol te buse de strighie dai nemai un toc di savon di lavâ, al dà une bieie spudade parsore e po' al scomence la... savonade.

El forest che al veve el pêl dret, al smurmujà:

— Madocule! E ce sisteme!

— Parvie? — al domande el barbîr.

— Di spudâ sul savon... e po' sfreolâmi la muse...

— Si lamente lui? — al dis el « figaro » — e si che j âi usât dut el rispiet, parvie che al è forest. Ai paisans si spude su le muse e po' si savone...

Pieri Menis

Non si à mai di lamentâsi!

Tinut e Iuchin, doi bogns amis, dopo no sai cetanc'agns si cjâtin in zitât: fiestonis, salûs, bussadis, strentis di man e: — Cemût cussì, e cemût culà? — E dopo, che si sà, dentri ta l'ostarie a bevi insieme, 'orpo da l'ostrighe! — Dopo tant timp!... La ultime baracade la vevin fate el dì che si erin congedâs, dal 1919!...

— No podin mico lassâsi cence bevi un gôt insieme! — al dis Tinut.

— Nancje par idee!

Ma lôr no ti àn contâs i gôts e nancje lis tavis che son ladis iù pal gargat; e àn bivût fin che ur è vignude la fumate. E cui isal che nol sa che dopo la fumate 'e ven la ploe?

Al ven a stai che Tinut, dopo un pôc, e in vene di confidensis, si met a vaiuzzâ.

— Po' ce ti passial partraviars cumò? — j domande Iuchin.

— 'O ài alc che no mi va jù! Quant che mi impensi... No soi content par nuje eco ce ch'o ài... e par dital a ti in confidense... t'al dis: 'o ai la femine che jè pôc di bon!

Iuchin si met a ridi come un mat; Tinut, diventât ros come un pitiniz spelât, lu cjalave imbambinît cence savê ce di nè ce fâ; al sares lât sot tiare, biadât. Quant che al à finît di ridi chel diaûl ce no disial?

— E tu vadis a piârditi par cussî pôc?! Cjâr tu: matetâs che passin chês! La mê viodistu e jè une disgraciè che mi toeje quartale fin che vif che crodie di femenate che 'o ài!

— Ce isal po' Iuchin? — al domande Tinut quasi consolât.

— Po' no astu capît basoâl? La mê femine si incoche. Si incoche! E fin che no mûr chel mâl no j passe...

Buie, 1948

Pieri Ments

La cariole di Perin

In chê di a buinôre, viodude la panàrie vûeide, la mâri di Perin, invessit di mandâ il frut a dutrine, 'i disè di lâ a mulin.

Vuic e vuàc, vuic e vuàc, vie al lave lui, Perinût, cu la sô cariole de bande de Roe, quan' che 'i vignî incuintri pre' Tunin, il capelan de vile:

— Ce vuèlial mai di po, Perinût? No varèstu di vignî a dutrine cumò?

— Sì jo, ma la mame mi à mandât a mulin, parcé ch'o sin senze un fregul di farine in cjase...

— Nuje ce di, fi gno. Ma intant che 'l mulinâr al masane la blave, lasse la cariole difûr dal mulin e còr subit in glèsie. Tu tornarâs dopo a cjoli la farine...

— E se mi puàrtin vie la cariole?

— Parchèl no sta vè pôre. Il Signôr al è pardût e al vuardiarà lui, par intant, la tô cariole, — lu sigurà il predi.

Perin ubidient al fasè dut cemût che 'i vevin dite e dipòc 'e veve finît di sunâ la cjampane che lui al ere za tal so puest insieme a chê altre canae.

Pre' Tunin, finît d'insegnâ par chê di la dutrine e fatis ai fruz un pâr di domandis, tal ultin al disè:

— Stâmi atent tu, mo, Perin, uè che tu sês stât cussî brâf: *Dov'è Dio?*

E Perinût, sigûr dal so fat, al rispuindè svelt:

— Al è a tigni amènz la cariole, pre' Tunin...

R. Vidoni

Une daûr l'altre

1. — Un sior che al cjaminava fuart ,al si è voltât, par pura curiositât, par capi parcè che un om, davôr di lui al zigava: — Sior Galo!... Sior Galo!

E alora l'om a j à dit:

— Sior Galo, lu clamavi propit lui!

— Ma iò no soi Galo, mi clami Merlo — al disè il sior. E l'om a j à rispuindût:

— Ch'al mi scusi, 'ieri lâf fûr di memoria, ma eri sigôr ch'al era una bestia!

2. — In glesia, al catechisim, il capelan a j à domandât al garzon dal fari Barbeano, quancj Dios ch'a esistin. E il garzon, ch'al era una vora tont, al à rispuindût, ch'and'è tre. Il capelan disgustât, a j à molât un scapalot. Il garzon, vaint a l'è lâf in butega dal siò paron e a j à contât la storia.

— A ti sta ben, — a j à dit il paron, — ti sôs propit un zucion; a ti voleva pôc a dî, ch'al è un sôl Dio!

— Brao! — al à osservât il garzòn, — se il capelan no si è contentât di tre, se j ves dit ch'a'nd'era un sôl, al mi varès copât!

3. — In piazza S. Marc, a Vignesia, tre Americans, a j à domandât a la guida in cetant timp ch'al era stât fabricât il palâz reâl; e la guida a ur à rispuindût: — In cinque anni. — Alora, un dai Americans al à dît: — Noi in America fare questo palazzo in tre mesi!

Sintuda la storia dala glesia di S. Marc, 'a tornàrin a domandâ in trop timp ch'a era stada fabricada; e la guida, tant par dî qualchi cjossa, 'a ur à rispuindût, ch'a era stada fabricada in tre agn. Alora, un american al à dît: — Noi in America, fare una chiesa come questa in un mese.

Sintuda la storia dal Palâz Ducâl, i Americans a j an domandât a la guida in tros agn ch'a lu vevin fabricât. E alora la guida, par svindicâsi a j à rispuindût: — Mah! Nossera soi passât par chi, e nol era; si viôt ch'a lu à fabricât via pa la gnòt.

Spilimberc, 1948

Torquato Linzi



Lino da Braida

A nèvia, a sbrova, a svinta,
a plâf a cjalderons,
ma tu, Lino da Braida
tu cors su par Davons.

- Una bareta grassa,
la barba di doi agn,
cul gei a la cjargneta
tu sêis simpri compagn.

Ti vadin las canûcias ⁽¹⁾
a sòrtas di ogni man
e i tiei scarpèz in sbrèndul
si sfòdrin di pallan...

— Bun... bun... bun... bun... — tu làcas
(par di bundi ce imbroi!),
tu slàrgjas las narilas,
tu rìgulas i voi...

Ma il « di » s'inclauda dentri
tal pirulòt dal cuèl,
e alora tu vâs via
sfladant como un vigjel!

Pôr Lino, tu t'ingègnas
cui géis e cui cossûz,
cussì ti dan la scuêta,
cartûfulas, meluz...

Oh tu no tu vâs vivi
lafé di caritàt,
e fintinora in Cjargna
nissun ti à clapadât.

Pôr Lino, in ta lô chêba
adôr dal Tajament,
cu'l gjat e dôs gjalinas
tu vîfs squasi content.

Ce impuartia si tu âs l'éria ⁽²⁾
fin sôra dal cuvièrt?

Ce impuartia se il caligo
al jéss a plen spolèrt...?

Ce impuartia si tu ds l'aga
tas còculas dai pîs,
se tal pajôn a vulchin
i piciui das suris?

Ce impuartia se a not tarda
svualada dal gimâl, ⁽³⁾
ti ven la begaruela ⁽⁴⁾
a distudâ 'l ferâl...?

Un rûf di baza cruda,
un lûdar freidessût,
e ch'al lêi dut a môras,
tu sclôpas di salût!

Biât mai te vè' Lino,
filosofo ignorant
chî no tu sâs la storia
di chest mondat birbant...!

E con che su las grênas ⁽⁵⁾,
già frêit ti cjataràn,
un gjat e dôs gjalinas
di cûr li vajaran.

Il preidi jûr da fuessa,
intan' ch'al sglongja 'l bot,
ti s'cjassarà la spèrgia
in quatri e quatri vot...

Ma in Cil i sanz e i àgnui
a vosaran: — L'è chî!... —
e là tu ur larâs dongja
cu'l to "bun... bun... bun... di"!.

Verzegnîs, 1948

Adalgisio Fiôr

(¹) - Le gambe.

(²) - L'edera.

(³) - Dal ramo.

(⁴) - La civetta.

(⁵) - Stecche di nocciolo flessibili, per la tessitura delle gerle.

MARCIAZ GRANC' E PIZZUI

di dut il Friûl

- *Amar* (Damâr): S. Valantin (14 di fevrâr); 13 di dezembar: nemai e duc' i ghenars.
- *Ampiez* (Dimpéz): il secont lunis di mai: nemai e mercanzia; il 9 di setembar id. id.
- *Arte* (Darte): 12 di lui: mercjât grant di S. Ermacure; 13 di dezembar (Sante Luzie) nemai e mercanzia.
- *Aquillé*: il lunis de Setemane Sante; ai 12 di lui (S. Ermacore); il lunis denant Nadâl: marciâz granc'.
- *Artigne*: secont lunis dal mê: nemai e marcanziis ai 14 di fevrâr (S. Valentin).
- *Atimis*: il 30 nov.: marcanziis e barachis.
- *Avian*: ogni III. miarcus: nemai e marcanziis.
- *Azzàn*: il II lunis di lui: nemai e marcanziis. Duc' i lunis: nemai, cjavai, mus, marcanziis, purciz, panine. Il 22 di nov. a Tiez: nemai e marcanziis.
- *Basiliàn*: il 30 di nov. nemai e marcanziis di ogni sorte. Il III lunis di ogni mê, alc par sorte di dut.
- *Brugnere*: a Maròn, il lunis dopo la I domènie di lui e di otubar: nemai, cjavai, etc.
- *Budoe*: ai 8 di set.: marciât di pioris.
- *Buje*: ogni II vinars e IV lunis dal mê: nemai, marcanziis, etc.; il 12 e 13 di lui: grans, marcanziis.
- *Buri*: I. domènie di mai e il lunis dopo: Fiere campionarie interprovinciâl dal vin.
- *Cervignàn*: il I. lunis dopo S. Martin (11 di nov.). Dutis lis joibis: grans e marcanziis; ogni I. joibe dal mê ance nemai (se colin di fieste, la zornade dopo); la I. di juin fiere dal vin.
- *Chiaicis* (Verzegnis): I. dom. di setembar.
- *Chions*: a Vilote il lunis dopo la II. domènie di otubar: nemai.
- *Ciago* (Medùn): marciât grant di S. Valantin (14 fevrâr).
- *Ciasarse*: il II. e IV. miarcus di ogni mê. Pese a Ciasarse e a S. Zuan.
- *Ciurciuvint*: ai 14 di fevrâr (S. Valantin) e al 23 di fevrâr (Sante Margarite): marcanziis di ogni genar. Al 5 di mai (S. Gotart) e 16 di avost (S. Roc) marcanziis.
- *Cividât*: dutis lis sâbidis: nemai e marcanziis; l'ultime sâbide dal mê: cjavai; 11 di novemb. (San Martin): marciât grant; prime sâbide e prime domènie di avrîl: cjavai e mostre di finimenz e carozzis.
- *Clausêt*: S. Valantin (14 di fevrâr). Perdòn (la dom. dopo la

- Sense); I. dom. di lui e I. di ut.: marciâz granc'; dutis lis domèniis dal an: marciâz pizzui (pomis, verduris, creps, etc.).
- *Clàut*: S. Zorz (23 di avril) e S. Gotart (8 di setembar).
 - *Codroip*: prin e tiarz martars di ogni mès: nemai e fen; duc' i martars: mercanziis e gjenars di stagjon; 27 e 28 di utubar: mercjât grant di S. Simon.
 - *Comeliâns*: il prin dal an; S. Nicolò, il 6 e 31 di dicembar; il 31 di utubar; nemai e marcanziis; San Florian (4 di mai): mercjât a Povolâr.
 - *Cordovât*: S. Josèf (20 di marz) e Madone di setembar (9 di set.). S. Michèl 29 di set.: nemai, marcanziis, etc. (se colin di fieste, la zornade dopo).
 - *Cormòns*: ogni dì: verduris e pomis; ogni miarcus e vinars: ancje granais e polam; ogni prin vinars di mès: ancje nemai; l'Otave di Pasche, il 25 di jugn e il vinars dopo de prime domènie di setembar: mercjât grant di mercanziis, nemai etc.
 - *Daël*: ai 4 di nov.: nemai, grans e marcanziis.
 - *Davâr*: il II. lunis di utubar e S. Urban: 11 e 12 di nov. (San Martin): nemai e marcanziis.
 - *Dogne*: ai 10 di avost (S. Laurinc') e ai 6 di novembar: marcanziis.
 - *Enemònz*: ai 12 di lui: marcanziis; il lunis dopo la I. dom. di utubar: nemai e marcanziis.
 - *Faedis*: ultime domènie di lui (S. Jacum).
 - *Feagne*: il II. martars e la IV. joibe di ogni mès: nemai, purciz etc., se colin di fieste la zornade dopo.
 - *Flaibân*: la II. joibe di ogni mès: nemai. Viodi: S. Durì.
 - *Fors Avoltri*: il 27 di utubar: nemai, ciavai. pioris, ciavris, etc.
 - *Fors di Sore*: il 21 di nov.: nemai, panine e marcanziis, etc.
 - *Fors di Sot*: la joibe dopo la III. domènie di utubar.
 - *Glemone*: S. Blàs, 2 di fev. e ai Sanz, 2 di nov.: nemai, etc. S. Antoni, 13 di juin: marcanziis. Il I. e III. vinars di ogni mès: nemai; il 2 e il 4 dome marcanziis; dutis lis domèniis: marcanziis.
 - *Gradis'ce dal Lusinz*: S. Bastian, 20 di zenâr: nemai etc. Ogni martars e sàbide: pomis, semenziis, grans, foràgios.
 - *Grado*: la I. e III. sàbide dal mès. Durant la stagjon dai bagnos: la ùltime sàbide dal mès.
 - *GURIZZE*: mercjâz granc': 16 e 17 di marz (fiere di s. Ilari), 24 di avost (fiere di S. Bartolomio); 3 di utubar (fiere di S. Michèl, dal 5 al 12 di novembar (fiere di S. Andrée). Mercjâz pizzui. ogni joibe (se je fieste, il dì dopo).
 - *Laglèsie* (Pontebe): la I. dom. di utubar: marciât grant.
 - *Latisane*: la dì dopo S. Zuan (25 di juin); San Jacum (25 di lui); S. Bartolomio (24 di av.); San Matio, (21 di set.); S. Martin (11

- di nov. Ogni miarcus: grans, panine, marcanziis, nemai, ciavai, pioris, etc.
- *Manià*: il lunis sant, marciât dal Ulif; S. Jacum (25 di lui) e S. Maur (21 di nov.). Ogni lunis: grans, marcanziis, nemai, marcanziis, nemai.
 - *Maràn*: ogni di marciât dal pès.
 - *Martignà*: l'ultin martars di ogni mès: nemai.
 - *Medùn*: ultime dom. di set.: marciât grant; dutis lis domèniis.
 - *Migee* (Cormòns): ai 13 di juin: marcanziis; dal 15 di juin al 15 di nov.: pomis e verdure.
 - *Monfalcòn*: S. Antoni, 13 di juin; S. Nicolò 6 di dec.: zujàtu, bombòns, etc. Ogni Ilò. miarcus dal mès: panine, marcanziis.
 - *Morsàn dal Tajament*: prin lunis di marz e di setembar: nemai e marcanziis.
 - *Mortèan*: S. Pauli, 25 di zenâr. Duc' i miarcus: polam, verduris, ciavai, pioris, etc.
 - *Mosse* (Caprive): il I. martars di ogni mès: nemai.
 - *Muez*: S. Josèf, 19 di marz. Madone de Salût (21 di nov.).
 - *Nimis*: Madone di set. (8 di set.). Il II. lunis di ogni mès: nemai, marcanziis.
 - *Osòf*: il I. lunis di ogni mès: grans e marcanziis. La I. domenie di lui: fiere di Sante Colombe; la III. dom. di utubar (S. Justine).
 - *Palazzùl*: S. Antoni di juin (12), S. Laurinz (10 di avòst), la domenie dopo.
 - *Palme*: duc' i lunis: marciât di nemai. Duc' i lunis di utubar: fiere di Sante Justine. Duc' i lunis da l'an: marcanziis. Pese ancje a Jalmic e a la Stazion dal treno.
 - *Patuzze*: il quart lunis di marz, setembar e novembar; il quart martars di mai e di utubar; il 25 e 26 di lui; la prime domenie di setembar; il 21 di avost (sagre di S. Roc).
 - *Pasian* (Basilian): il 30 di nov. Il III. lunis di ogni mès.
 - *Pasian di Pordenòn*: il I. e III. vinars di ogni mès: nemai e polam. A Cechins, marciât di nemai il III. lunis di avril. A Riverote, marciât di nemai il IV. lunis di setembar.
 - *Pavie* (in *Percût*): prin vinars dal mès: nemai. Pese a Pavie, Percût e Risàn.
 - *Pontebe*: S. Josèf, 19 di marz; Madone di set., 8, 9 di set. e ogni sàbide: nemai, marcanziis, feramente, imprèsc' di cusine.
 - *PORTENON*: ogni sàbide e ogni miarcus: nemai e marcanziis; prime sàbide di mai (S. Gotàrt), II. sàbide di novembar (S. Martin) marciâz granc'.
 - *Poulèt*: IV. dom. di avòst: marcanziis.
 - *Povolâr* (Comeglians): ai 4 di mai: nemai e marcanziis.
 - *Prate di Pordenòn*: il I. martars dal mès: nemai, polàm, cunins, purciz, etc.

- *Pravisdòmîni*: il IV. lunis di fev.; il IV. vinars di setembar: nemai e marcanziis.
- *Pulcinic*: la I. sàbide di setembar: marciâz di zeis.
- *Renzian*: S. Ermàcore (12 di lui): la II. dom. è il lunis dopo: marciât grant. Il prin lunis di set.: nemai e marcanziis.
- *Ravasclèt*: il lunis dopo lis Pentecostis (marciât di S. Spirit): grans, nemai e marcanziis.
- *Rèsie*: prin di mai. Madone d'avòst: ciâvris, pioris, marcanziis; ùltime domènie di utubar.
- *Resiute*: 2 di avòst. S. Martin; (11 e 12 di nov.): marciât di plazze.
- *Rienbère*: la I. dom. dopo S. Uldari (4 di lui) e ogni dom. des Quatri Timporis: grans e marcanziis.
- *Riulât*: la III. dom. di zenâr (fieste dal Bambin) e l'ùltime domènie di lui: genars e marcanziis.
- *Rivignàn*: ai Sanz e ai 2 di nov. Duc' i lunis: polèz, blave, marcanziis; il III. lunis dal mès: ancje nemai.
- *Romàns dal Lusinz*: S. Elisabete, 19 di nov.: nemai, marcanziis, etc. (Se al cole di fieste, la zornade dopo). Il IV miarcus di ogni mès: nemai.
- *Sacil*: ogni joibe: nemai e marcanziis (se la joibe 'e cole di fieste, il marciât si antizipe di une zornade). La I. domènie di setembar: marciât di ucei et di argains par oselâ. Il 14 di set. marciât di S. Crôs: bestiam, ciavai, etc. La I. joibe di marc', marciât des semencis.
- *S. Denêl dal Friâl*: il III. miarcus di ogni mès: nemai; duc' i miarcus: grans, panine, marcanziis.
- *S. Duri-Flaiban*: a Flaibàn, la II. joibe di ogni mès: nemai.
- *S. Pieri dal Nadison*: S. Pieri e Pauli al 29 di juin (ancje se cole di domènie).
- *S. Vit dal Tajamènt*: S. Nicolò, 5 e 6 dicembar; 11 e 12 di juin (S. Antoni); prin vinars dal mès; tiarz vinars di zenâr, fevrâr, marz, utubar, nov. e dicembar: nemai. Se colin di fieste, si antècipin di une zornade. Ogni vinars: purciz, pioris e marcanziis.
- *S. Zorz de Richinvelde*: prin miarcus di ogni mès: nemai.
- *S. Zorz di Nojâr*: ogni sàbide: marcanziis.
- *Sapade*: III. lunis di mai e IV. lunis di utubar: nemai.
- *Scluse*: la domènie prime di S. Valantìn (14 di fevrâr); di San Bartolomio (24 di avòst) e di S. Michêl (29 di set.): nemai, formadi e marcanziis.
- *Sest al Règhine*: la IV. sàbide di zenâr, marz, mai, lui, setembar e novembar. A Bagnarole il II. martars di avrìl e il IV. martars di utubar: marciâz granc'.
- *Soclêf*: ai 25 di avrìl e l'ùltime sàbide di utubar: nemai. A Mediis il 24 di mai: nemai.

- *Spilimbèrc*: S. Roc, 16 di avòst; Madone dal Rosari (il prin lunis di utubar). Ogni sàbide: marcanziis; ogni lunis di marz, avrìl, mai e il I. e III. lunis dai altris mès: marciât grant.
- *Talmassòns*: a Flambri marciât grant di San Filiz il lunis dopo la III. dom. di novembar.
- *Tarcint*: S. Pieri, 29 di juin. Il Vinars Sant. Ogni I. lunis dal mès: marcanziis, pomis, etc. Il III. lunis di ogni mès: nemai.
- *Tramònz di Sore*: ai 21 di novembar (Madone de Salût): marcanziis. A Clèvolis, ai 29 di juin (S. Pieri): marciât grant A Redone, la III. domènie di lui (Cârmini): marciât grant.
- *Travès*: S. Pieri, 29 di juin. S. Lùzie, 13 di dic. La III. joibe di avrìl e la III. di utubar: nemai e marcanziis.
- *Tresesin*: marciât dai ucei la II. domènie di set. Il I. lunis dal mès: nemai, ciavai, purciz, pioris, etc. Dutis lis domèniis: polàm, genars e marcanziis. Ultime dom. di avòst: esposizion e marciât di polàm e altris bèstis di curtil.
- *Triest*: la I. setemane di dic. S. Nicolò, in vie XX set., marcanziis di ogni sorte.
Tumièz: marciât grant dai Sanz: I. lunis di novembar. Ogni lunis: nemai e marcanziis.
- *UDIN*: ogni di verdure e pomis di stagjon al ingrues e al mainût; ogni martars, joibe e sàbide, ancje legnam e polàm; ogni joibe ancje purciz, pioris e cjavris; prime e tiarze joibe di ogni mès, ancje nemai; Sant'Antoni (17 di zenâr), S. Valantin (14 di fevrâr), S. Zorz (24 di avrìl), S. Laurinz (10 di avòst), Sante Catarina (25, 26 e 27 di novembar): mercjâz granc.
- *Valvasòn*: il IV. lunis di ogni mès: nemai, purciz, marcanziis. Il dì di S. Pieri, marciât grant: nemai di stale, polàm, blave, robe di braciadure, etc.
- *Venzòn*: S. Lùzie, 13 di dicembar.
- *Vile Santine*: il I. lunis di dicembar; il lunis dopo la III. dom. di utubar: nemai, purciz e ogni genar.
- *Vit d'Asi*: a Ciassàs, il IV. lunis di marz, avrìl, utubar e novembar: nemai e ogni genar.
- *Vivâr*: la domènie prime di S. Zuan (24 di juin): purciz.



BANCA DEL FRIULI

SOCIETA' PER AZIONI

DIREZIONE GENERALE E SEDE CENTRALE
U D I N E

ESERCIZIO 77.

AGENZIE DI CITTA':

N. 1 - Via Ermes di Colloredo, 5 (Piazzale Osoppo)
N. 2 - Via Poscolle N. 8 (Piazza del Pollame)

Capitale sociale emesso e versato L. 12.000.000

Riserve L. 91.550.000

FILIALI:

Artegna - Aviano - Azzano X - Buia - Casarsa della Delizia - Cervignano del Friuli - Cividale del Friuli - Codroipo - Conegliano - Cordenons - Cordovado - Cormons - Fagagna - Gemona del Friuli - Gorizia - Gradisca d'Isonzo - Grado - Latisana - Maniago - Mereto di Tomba - Moggio Udinese - Monfalcone - Montereale Cellina - Mortegliano - Ovaro - Palmanova - Paluzza - Pavia d'Udine - Pontebba - Pordenone - Portogruaro - Sacile - S. Daniele del Friuli - S. Donà di Piave - S. Giorgio di Livenza - S. Giorgio di Nogaro - S. Vito al Tagliamento - Splimbergo - Tarcento - Tarvisio - Tolmezzo - Torviscosa - Tricesimo - Trieste - Valvasone

RECAPITI

Caneva di Sacile - Clauzetto - Faedis - Lignano Bagni - Meduno Pol-nigo - Talmassons - Travesio - Venzone

ESATTORIE CONSORZIALI:

Aviano - Meduno - Moggio Udinese - Pontebba - Nimis - Ovaro - Paluzza - Pordenone - S. Daniele del Friuli - S. Giorgio di Nogaro - S. Vito al Tagliamento - Torviscosa

MACCHITRE'

Motocarro con rimorchio
portata complessiva 15 q.li
(15 la motrice e 10 il rimorchio)

Rappresentante per il Friuli

RAFFAELLO SCARTON

UDINE - Via del Bon 16 - Tel. 25-93

Preferite

per i vostri lavori
a maglia la super-
lana MERINOS EXTRA
marca

La troverete in tutti i migliori negozi della
Provincia, 60 tinte di moda
a due e tre capi

FILATO RACCOMANDATO ALLE MAGLIAIE

per il suo grande rendimento

**L
A

F

U

R

L

A

N

A**

Cassa di Risparmio di Udine

FONDATA NELL' ANNO 1876

Premiata dal Ministero con medaglia d'oro - Partecipante dell'Istituto Federale delle Casse di Risparmio delle Venezia - Sede Compartimentale dell'Istituto di Credito Fondiario delle Venezia - Federata con le Casse di Risparmio di Venezia

Sede Centrale e Direzione Generale in Udine

Via del Monte, 1 - Centralino Telef. 26-41

AGENZIE DI CITTA':

N. 1 - Via Gemona, 100 (Piazzale Osoppo) Tel. 36-81
N. 2 - Via Volturno- 3 (Mercato all'ingrosso) Tel. 29-10

Patrimonio al 30 Giugno 1948 . . . L. 54 milioni
Beneficenza erogata a tutto il 30-6-1948 L. 32 milioni
Depositi fiduciari al 30-6-48 . . . L. 3.000 milioni

F I L I A L I :

Cervignano - Cividale - Codroipo - Latisana - Maniago -
Palmanova - Pordenone - Sacile - S. Daniele del Friuli -
S. Vito al Tagliamento - Tolmezzo

R E C A P I T I :

Brugnera

Ricevitoria e Cassa Provinciale di Udine

E S A T T O R I E :

Udine - Cervignano - Cividale - Latisana - Maniago -
Mortegliano - Sacile - Tolmezzo

MONTI DI CREDITO SU PEGNO :

Udine - Cividale - Pordenone - San Daniele del Friuli

Tutti i Servizi di Banca

Credito Agrario di Esercizio e Miglioramento - Mutui

Servizio Cassette di Sicurezza

U D I N E :

(Presso l'Esattoria di Udine - Via Zanon, 25) - Cervignano - Latisana - Pordenone - S. Daniele - Tolmezzo


CARTOLERIA BENEDETTI

UDINE

TELEFONO 25-34



Rappresentante Istituto Poligrafico dello Stato
Istituto Geografico Militare



MULTISUMMA 14

Addizionatrice e moltiplicatrice
elettrica
con scrittura automatica
di entrambi i fattori
e del prodotto

olivetti

Ditta ENRICO TUDELLI

UDINE - Uffici Via Mercatovecchio 32-29 - Tel.
Negozio Via Cavour, 28-60 Tel.

PORDENONE - Via Mazzini, 3b - Tel. 4.24

Dott. BRUNO BRUNI MEDICINA INTERNA

Consultazioni nel po-
meriggio e per ap-
puntamento



UDINE
VIA MANIN N° 18
Telefono N. 64-62

FIAT

AUTOMOBILI

Commissionaria:

Ditta Luigi Tamburlini

U D I N E

Direzione e Magazzino Ricambi

Piazzale XXVI Luglio 4-5 - Telefono N. 22-96

Officina Autorizzata

Viale Venezia (Via Podgora) - Telefono 24-75

Vendite rateali a mezzo S.A.V.A.

Banca Cooperativa Udinese

Società Anonima di credito popolare - Fondata nel 1885

Sede in UDINE - Via Cavour, 24 - Tel. 21-83
PALAZZO PROPRIO

Capitale e Riserve al 30-9-948 L. 5.577.575,00
Depositi a Risparmio e in c.c. 585 milioni

Filiati in:

PALMANOVA - S. VITO AL TAGLIAMENTO
GONARS e POZZUOLO DEL FRIULI



Consoziata con le Banche
Cooperative Popolari di:

Cividale - Codroipo - Gemona
Latisana - Pordenone - Tarcento

D I T T A

felice sbuelz

di NINO SBUELZ

TRICESIMO



Manifatture
obili

Vasto assortimento

S. p. A. Ing. F. RIBI & C.

GORIZIA



AUTOTRASPORTI MERCI

VIA DUCA D'AOSTA, 14 - TELEF. 619

Agenzie e recapiti

TRIESTE - Via Valdirivo, 10 - Telefono 50-03
UDINE - Viale Palmanova, 18 - Telefono 22-07
CERVIGNANO - Via Dante N. 3 - Telefono 1-23
GRADO - Stazione Autocorriere - Telefono 67
MONFALCONE - Via Don Giovanni Bosco N. 39
GRADISCA - Via Dante N. 2
CORMONS - Viale Stazione, 22
PALMANOVA - Via Da Mula, 14
CIVIDALE - AQUILEIA - PIERIS - CAPRIVA - RONCHI

Rappresentanze

MILANO - p. Q. Ramella e F. via Perugino, 9 t. 573-646
TORINO - " " " Juvara, 16 tel. 45-813
BIELLA - " " " Tripoli, 4 tel. 24-55
PARMA - Adelmo Cavalieri, via Trento, 49 tel. 44-23
VICENZA - Trevisan e Girardini, P. Giusti, 15 tel. 34-07
BOLOGNA - " " via Pietramellara, 9 tel. 35-113
TREVISO - " " via Tolpada, 10 tel. 20-97
PADOVA - " " via Dalmazia, 18 tel. 20-736

Servizi eeleri:

Milano - Gorizia - Trieste - Udine

AUTOSERVIZI DI LINEA

NOLEGGIO AUTOBUS

ARTICOLI FOTOGRAFICI

PIGNAT

U D I N E

Via Manin N. 1c - Telefono N. 27-29

Via Rauscedo N. 3

Apparecchi e materiale sensibile delle migliori marche - La più vasta raccolta fotografica di paesaggi, costumi e opere d'arte del Friuli

A tutte le ore...

l'ottimo caffè MATTIONI

I migliori caffè dall'origine al consumatore

Ricca assortimento :

**VINI, SPUMANTI
E LIQUORI DI MARCA**

Alimentari

Dolciumi

Sede Gorizia : Via Garibaldi, 12 - Tel. n. 288

Filiale Udine : Via Vitt. Veneto, 6 - Tel- 30-05

Ai Provinciali

||| da Agnulin
si cjate simpri
'n bon tai di vin (1)

(1) E simpri furian

Cooperativa Friulana di Consumo

Società Cooperativa a responsabilità limitata
con sede in Udine

DIREZIONE E MAGAZZINO:

UDINE: Viale Duodo 3a. tel. 2309 (locali propri)

PANIFICIO MECCANICO ED AUTOMATICO:

Viale Duodo, tel. 2309 (locali propri)

LABORATORIO MECCANICO DI SUINERIA E
CELLE FRIGORIFERE PER LA CONSERVA-
ZIONE DEGLI INSACCATI:

Viale Duodo, 3a



NEGOZI VENDITA GENERI ALIMENTARI IN UDINE:

*Via Bonaldo Stringher, tel. 6066 - Via
Rialto, tel. 2695 - Piazzale Osoppo,
tel. 3764 - Piazzale Chiavris - Via T.
Deciani - Via Pracchiuso, tel. 6145 -
Via Volturmo - Via 3 Novembre (San
Osvaldo), tel. 3762 - Riva Bartolini.*



*In CIVIDALE: Piazzale Paolo Diacono, tel. 77
A TRICESIMO - A MANZANO, tel. 8*



MACELLERIA in Udine: *Via Bonaldo Stringher*



RIVENDITE PANE DISTRIBUITE
NELLE VARIE ZONE DELLA CITTA'

SOCIETA' ANONIMA COMMERCIALE
LUIGI SPEZZOTTI


TESSITURA DI COTONE

Uffici - Depositi: Via Prefettura, 15 - Tel. 21-37

Stabilimento: C. Paparotti Cussignacco - Tel. 24-13

Udine

Everest



MACCHINE

PER SCRIVERE

E DA CALCOLO

Concessionario per il Friuli:

Ditta E. ORTOLANI - Udine

Piazza Duomo, 5 - Tel. 24-20

LA UDINESE

ARROTINO VITTORIO MASUTTI

UDINE - Via Vittorio Veneto

Forbici - Rasoi - Tosatrici

Tutti i lavori accurati per utensili da taglio - Specializzata
in taglierine per tipografi



Moderna
Torrefazione
del Caffè

F. Monterisi

UDINE - Via Castellana, 24
Telefono 63-13

Specialità Miscele per Bar. Caffè, Negozi - Depositi
Cioccolato, Caramelle, Biscotti, Confetture

CASA DI CURA

PER OSTETRICIA E GINECOLOGIA

SPECIALISTA

Dott. ADRIANO QUARANTOTTO

Consultazioni dalle ore 10 - 12

U I N E

Via Marangoni, 8 (Porta Poscolle)
TELEFONO N. 5-18

Francesco Marzano

U D I N E

VIA MARSLA, 24 (Fuori P. Cussignacco)
Telefono N. 64-40



V I N I

Vècie Dite stimade, one-
ste, serie e rinomade

Diana & Romanelli

U D I N E

Via Teobaldo Ciconi, 12 - Tel. 2109

Via Piave N. 5 - Telefono N. 6275

C. C. I. 23382

FABBRICA BICICLETTE

Industria e Commercio:

AUTOMOBILI

MOTOCICLI

VELOCIPEDI

E LORO PARTI



SERVIZIO MARELLI - BOSCH

Officina elettromeccanica

per installazione e riparazione di apparecchi elettrici per autoveicoli e per pompe di iniezione

MOBILI
D'ARTE

Torossi

UDINE - Via Baldissera, 13
TELEFONO N. 6131

COMUNE DI CORMONS

Fiere e Mercati dell'anno 1949

Mercati giornalieri - Per esportazione frutta e verdure: dal 15 maggio al 15 ottobre (Piazza XXIV Maggio).

Mercati settimanali - Ogni venerdì e mercoledì oltre che mercato di frutta e verdura, granaglie e pollame.

Mercati mensili - Ogni primo venerdì del mese, grande mercato di bestiame (Foro Boario).

Grandi mercati annuali - Ottava di Pasqua: grande mostra assaggio vini - 25 giugno: Mercato di S. Giovanni - Venerdì dopo la prima domenica di settembre: (Fiera del "Perdono e della Cintura,, (Frutta e verdure: Piazza XXIV Maggio - Bestiame: Foro Boario).

Nuova grande pesa anche per autotreni

G. B. e F. Romanut

FABBRICA
MACCHINE
CAFFÈ
ESPRESSO



U D I N E
VIA COTONICIO, 13

Fornaci di Torsa

S. p. A.

Stabilimenti in TORSIA DI POCENIA (Udine) Tel. N. 4
Direzione e Amministrazione in UDINE
Via Sottomonte N. 1 B - Telefono N. 6348



TUTTI I TIPI DI LATERIZI
DA COSTRUZIONE
SPECIALE SOLAI BREVETTATI
ATTREZZATURA MODERNISSIMA
LAVORAZIONE ACCURATA

ISTITUTO COMUNALE E PROVINCIALE "di Toppo Wassermann,, Collegio Maschile FONDATO NEL 1900

*Primario Istituto di Educazione con
Scuole interne: Elementari, Scuola
Media parificata. I convittori iscritti
al Liceo Classico, Liceo Scientifico
Istituto Tecnico per Geometri e Ra-
gionieri, Istituto Magistrale, frequen-
tano gli Istituti Governativi della Città*

PER INFORMAZIONI RIVOLGERSI ALLA DIREZIONE
VIA GEMONA N. 92 - TELEFONO N. 6082

Ristoro Reduci e Partigiani

Reduci e Combattenti, Partigiani,
Deportati e perseguitati politici,
Vittime civili della guerra, Pro-
fughi giuliani, Impiegati statali,
Pensionati e rispettive famiglie

UDINE
CASA DEL POPOLO
Via G. Giusti, N. 11

SERVIZIO DI BAR E GELATERIA
Piatfi freddi - Degustazioni
Vini - Liquori - Caffè

TELEFONO PUBBLICO

COMUNE DI PALUZZA

(abit. 4210)

Fiere e mercati annuali

Il IV junis di marz, setembar e novembar
Il IV martars di mai e di utubar

SAN JACUM 25 DI LUI
SANT' ANE 26 DI LUI

Sagre di San Roc (la prime domenie dopo il 16 di avôst)

SAGRE DI PLACE

la prime domènie di setembar

Consorzio Agrario Provinciale

Direz. e Amm.: Via Grazzano, 1 - UDINE - Tel. 2041 - 2042 - 2043 - 2044

Magazzino e Frigorifero: Via Sabbadini - UDINE - Tel. 2875 e 3803

Ogni merce d'uso agrario

TUTTE LE MACCHINE PER L'AGRICOLTURA

TUTTE LE SEMENTI SELEZIONATE

Per prenotazioni ed acquisti

rivolgersi alle Filiali e Agenzie locali

TIPOGRAFIA

« A. MANUZIO »

TUTTI I LAVORI COMMERCIALI - EDIZIONI - GIORNALI - RIVISTE

U D I N E

Via Stabernaio, 1 - Tel. 2288

Le grandi Fiere di Gorizia

La Fiera di Sant'Ilario

Il 16 di marzo

La Fiera di S. Bartolomeo

interessante per la quantità e varietà di uccelli, ha luogo il 24 agosto

La Fiera di S. Michele

Il lunedì successivo al 29 settembre

La Fiera di Sant'Andrea

che ha inizio il lunedì successivo al 30 novembre e dura 8 giorni. Questa Fiera, molto antica e rinomata, richiama a Gorizia folla grandissima di commercianti e agricoltori da tutto il Friuli

Nei giorni di Fiera si tiene mercato di animali

E' GIORNO DI MERCATO IL GIOVEDI' DI OGNI SETTIMANA

Se in detti giorni cade una festa, il mercato viene differito al giorno seguente

Vestitevi ai

Magazzini Basevi

Mercatovecchio - UDINE



I PIU' MODERNI
ED ASSORTITI DEL VENETO
CONFEZIONI - PELLICCERIE

G. B. CORGNALI
responsabile

COMUNE DI UDINE

Fiere e Mercati

PER L'ANNO 1949

Primo e terzo giovedì di ogni mese: mercato di buoi ed equini -
Prima quindicina di settembre mercato concorso di tori e turelli -
Fiera di S. Antonio, 16 gennaio - Fiera di S. Valentino 13 Febbraio
Fiera di S. Giorgio 24 aprile - Fiera di S. Lorenzo 10 agosto - Fiera
di S. Caterina 24 - 25 - 26 novembre - Ogni giovedì mercato
di ovini e suini - Ogni martedì, giovedì e sabato mercato di legna
e di foraggi - Mesi di maggio e giugno mercato foglia di gelso -
Mesi di settembre e ottobre mercato d'uva - Ogni martedì giovedì
e sabato mercato di cereali, di pollame e di generi diversi - Tutti
i giorni mercato all'ingrosso ed al minuto di frutta e verdura - Mesi
di ottobre, novembre e dicembre mercato all'ingrosso di castagne

Assicurazioni Generali

Compagnia fondata nel 1831
SEDE LEGALE IN ROMA

Vita - Trasporti

Incendi - Furti - Infortuni

Resp. Civili - Grandine

Rappresentanze e commissionari d'avaria
in tutto il mondo

LEZIONI DI FISARMONICA

impartisce **OTELLO ZUCCOLO**

Via Grazzano, 21

UDINE



Distilleria Liquori di Lusso

CIOCCOLAT'OVO
Canciani

LIQUORI DI GRAN MARCA PURI DISTILLATI
I MIGLIORI SCIROPPI DI PURO FRUTTO

CASA FONDATA 1896-UDINE

